

4

共二十本

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 6 1953

T.5757/04210

封神演義

四

第十三回

太乙真人收石磯

詩曰

天然頑石得機先

結就靈胎已萬年

吸月食星探地窟

填離取坎伏天乾

慢跨步霧興雲術

且聽吟龍嘯虎仙

劫火運逢難措手

須知邪正有偏全

話說哪吒在寶德門將敖光踏住後心敖光扭頸回頭看

時認得是哪吒不覺勃然大怒况又被他打倒用腳踏住

掙持不得乃大罵曰好大膽潑賊你黃牙未退奶毛未乾

驍兗將御筆欽點夜叉打死又將我三太子打死他與你



何仇你徹將他筋俱抽去。這等兇頑罪已不赦。今又敢在寶德外毀打興雲步雨正神。你欺天罔上。雖損醢汝尸。不足以盡其辜。哪吒被他罵得性起。恨不得就要一圈打死。他奈太乙真人分付。只是按住他道。你叫我叫我。我便打死你。這老泥鰍也無甚大事。我不說你也不知我是誰。吾非別人。乃乾元山金光洞太乙真人弟子靈珠子。是也。奉玉虛宮法牒。脫化陳塘關李門爲子。因成湯合滅周室。當與姜子牙不久下山。吾乃是破紂輔周先行官。是也。偶因九龍河洗澡。你家人欺負我。是我一時性急。便打死他。二命也是小事。你就上本我師父說來。就連你這老蠢物都打

死了也不妨事。敖光聽罷。罵曰。好孺子打的好。打的好。哪吒曰。你要打就打。你拎起拳來。或上或下。一氣打有一二十拳。打的敖光喊叫。哪吒道。你這老蠢才。乃頑皮。不要打你。你是不怕的。古云。龍怕揭鱗。虎怕抽筋。哪吒將敖光朝服一把拉去了半邊。左脇下露出鱗甲。哪吒用手連抓數把。抓下四五十片鱗甲。鮮血淋漓。痛傷骨髓。敖光疼痛難忍。只叫饒命。哪吒曰。你要我饒你。我不許你上本。跟我往陳塘關去。我就饒你。你若不依。一頓乾坤圈打死你。料有太乙真人作主。我也不怕你。敖光遇着惡人。莫敢語。何只得應承願隨你去。哪吒曰。放你起來。敖光起來。

正欲同行。哪吒曰：嘗聞龍會變化，要大便撐天，柱地，耍小兒。我帶你回去，赦光不得脫身。沒奈何，只得化一個小青蛇兒。哪吒拿來，放在袖裏，離了寶德門，往陳塘關來。時刻便至帥府，家將報李靖曰：三公子回府了。李靖聞言，甚是不樂。只見哪吒進府來，謁見父親，見李靖，眉鎖春山，愁容可掬。上前請罪。李靖問曰：你往那裏去來？哪吒曰：孩兒往南天門去，請回伯父赦光，不必上本。李靖大喝一聲：你這說謊畜生，你是何等之輩，敢往天界，俱是一派誑言。瞞昧父母，甚是可惱。哪吒曰：父親不必大怒，現有伯父赦光。

可証。李靖曰：你尚胡說。伯父如今在那裏？哪吒曰：在這裏。袖內取出青蛇，望下一丟，赦光一陣清風，見化成人形。李靖乞了一驚，忙問曰：長兄爲何如此？赦光大怒，把南天門毆打之事說了一遍，又把脇下鱗甲，把與李靖觀看。你生這等惡子，我把四海龍王齊約到靈霄殿，申明冤枉，看你如何理說。道罷，化一陣清風去了。李靖頓足曰：此事愈反加重。如何是好？哪吒近前跪而稟曰：老爺母親，只管放心。孩兒求救師父，師父說我不是私自投胎，至此奉玉虛宮符命來保明君，連四海龍王，便都壞了，也不妨甚麼事。若有大事，師父自然承當。父親不必掛念。李靖乃道德之士。

亦明玄中奧妙。又見哪吒南天門打散光的手段。既上得天曹。其中必有原故。殷夫人終是愛子之心。見哪吒站立傍邊。李靖煩惱。有恨兒子之意。夫人曰。你還在這裡。不往後邊去。哪吒聽母命。逕往後園來。坐了一會。心上覺悶。乃出後園門。逕上陳塘關的城樓上來納涼。此時天氣甚熱。此處不會到此。只見好景致。曛曛蕩蕩。綠柳依依。觀望長空。果然似一輪火蓋。正是行人滿面流珠。落避暑閑人把扇搖。哪吒看了一回。自言曰。從不知道這個所在。好頑耍。又見兵器架上有一張弓。名曰乾坤弓。有三枝箭。名曰震天箭。哪吒自思。師父說我後來做先行官。破成湯天下。如

今不習弓馬。更待何時。况且有現成弓箭。何不演習演習。哪吒心下甚是歡喜。便把弓拿在手中。取一枝箭。搭箭當絃。望西南上一箭射去。响一聲。紅光繚繞。瑞彩盤旋。這一箭不當緊。正是鉛河撒下鈎。與線從今釣出是非來。哪吒不知此弓箭乃鎮陳塘關之寶。乾坤弓震天箭。自從軒轅黃帝大破蚩尤。傳留至今。並無人拿的起來。今日哪吒拿起來射了一箭。只射到雷鼓山白骨洞。有一石磯娘娘的門人。名曰碧雲童子。攜花籃採藥來至山崖之下。被這一箭正中咽喉。翻身倒地而死。少時只見彩雲童子看見碧雲中箭而死。急忙報與石磯娘娘。曰。師兄不知何故。箭射

咽喉而死。石磯娘娘聽說走出洞來。行至崖邊。看見碧雲童兒果然中箭而死。只見翎花下有名諱。鎮陳塘關總兵李靖字號。石磯娘娘怒曰。李靖你不能成道。我在你師父前。着你下山求人間富貴。你今位至公侯。不思報德。反將箭射我的徒弟。恩將仇報。叫彩雲童兒。看着洞府待我。拿李靖來。以報此恨。石磯娘娘乘青鸞而來。只見金霞蕩蕩。彩霧緋緋。正是仙家妙用無窮。盡咫尺青鸞到此。關娘娘在半空中大呼李靖出來見我。李靖不知道是誰人。叫急出來看時。相似石磯娘娘。李靖倒身下拜。弟子李靖拜見。不知娘娘鶴至。有失迎迓。望乞恕罪。娘娘曰。你行的好事。

尚在此巧語花言。將八卦雲光帕。上面有坎離震兌之寶。包羅萬象之珍。望下一丟。命黃金力士將李靖拿進洞府來。黃金力士平空把李靖拿去。至白骨洞放下。娘娘離了青鸞。坐在蒲團之上。力士將李靖拿至面前。跪下。石磯娘娘曰。李靖你仙道未成。已得人間富貴。你却虧了何人。今不思報本。反起反意。將我徒弟碧雲童兒射死。有何理說。李靖不知何事。真是平地風波。李靖曰。娘娘弟子今得何罪。娘娘曰。你恩將仇報。射死我門人。你還故推不知。李靖曰。箭在何處。娘娘命取箭來。與他看。李靖看時。却是震天箭。李靖大驚曰。這乾坤弓。震天箭。乃軒轅皇帝傳畱。隨出

人君鎮關之寶。誰人拿得起來。這是弟子運乖時。蹇異事非常。望娘娘念弟子無辜。被枉冤屈難明。放弟子回關。查明射箭之人。待弟子拿來。以分皂白。庶不冤枉無辜。如無射箭之人。弟子死甘瞑目。石磯娘娘曰。既如此。我且放你回去。你若查不出來。我問你師父要你。你且去。李靖連箭帶回。借土遁來至關前。收了遁法。進了帥府。殷夫人不知何故。見李靖平空摻去。正在驚慌之處。李靖回見夫人。夫人曰。將軍爲甚事。平空攝去。使妾身驚慌無地。李靖頓足嘆曰。夫人。我李靖居官二十五載。誰知今日運蹇時乖。關上敵樓有乾坤弓。震天箭。乃鎮壓此關之寶。不知何人將

此箭射去。把石磯娘娘徒弟射死。箭上是我官銜。方纔被他拿去。要我低償性命。被我苦苦哀告回來。訪是何人拿去。見他方能與我明白。李靖又曰。若論此弓箭。別人也拿不動。莫非又是哪吒。夫人曰。豈有此理。難道敖光事未了。他又敢惹這是非。就是哪吒也拿不起來。李靖沉思半晌。計上心來。叫左右侍兒。請你三公子來。不一時。哪吒來見。站立一旁。李靖曰。你說你有師父承當。叫你輔弼明君。你如何不去學習些弓馬。後來也好去用力。哪吒曰。孩兒奮志如此。纔偶在城敵樓上。見弓箭在此。是我射了一箭。只見紅光繚繞。紫霧紛霏。把一枝好箭射不見了。就把李靖

氣得大叫一聲好逆子。你打死三太子事尚未定。今又惹這等無涯之禍。夫人默默無言。哪吒不知其情。便問爲何。又有甚麼事。李靖曰。你方纔一箭射死石磯娘娘的徒弟。娘娘拿了我去。被我說過。放我回來。尋訪射箭之人。原來却是你。你自去見娘娘。回話。哪吒咲曰。父親且息怒。石磯娘娘在那裡住。他的徒弟在何處。我怎樣射死他。平地賴人。其心不服。李靖說。石磯娘娘在枯髑山白骨洞。你既射死他徒弟。你去見他。哪吒曰。父親此言有理。同到甚麼白骨洞。若還不是我打他。個攪海翻江。我纔回來。父親請先行。孩兒隨後。父子二人架土進往枯髑山來。

箭射金光起。

紅雲照太虛。

真人今出世。

帝子已安居。

莫浪跨仙術。

須知念玉書。

萬邪難克正。

不免破三車。

話說李靖到了骷髏山。分付哪吒站立在此。待我進去。回了娘娘法旨。哪吒冷笑。我在那裡。平空賴我。看他如何發付我。且言李靖進洞中。參見娘娘。娘娘曰。是何人射死碧雲童兒。李靖啟娘娘。就是李靖所生逆子哪吒。弟子不敢有違。已拿在洞府前。聽候法旨。娘娘命彩雲童兒着他進來。只見哪吒看見洞裡一人出來。自想。打人不過先下手。此間是他巢穴。反爲不便。揹起乾坤圈。一下打將來。彩雲

童兒不會隄防。夾頸一圈。呵呀一聲。跌倒在地。彩雲童兒
彼時一命將危。娘娘聽得洞外。跌得人响。急出洞來。彩雲
童兒已在地下。拚命。娘娘曰。好孽障。還敢行兇。又傷我徒
弟。哪吒見石磯娘娘。帶魚尾金冠。穿大紅八卦衣。麻履絲
絛。手提太阿劍。趕來。哪吒收回圈。復打一圈來。娘娘看是
太乙真人的乾坤圈。呀。原來是你。娘娘用手。接住乾坤圈。
哪吒大驚。忙將七尺混天綾。來裹娘娘。娘娘大咲。把袍袖
望上一迎。只見混天綾。輕輕的。落在娘娘袖裏。娘娘叫哪
吒。再把你師父的寶貝。用幾件來。看吾道術。如何。哪吒手
無寸鐵。將何物支持。只得轉身。就跑。娘娘叫李靖。不干你

事。你回去罷。不言。李靖回闕。且說石磯娘娘。趕哪吒。飛雲
掣電。雨驟風馳。趕殺多時。哪吒只得往乾元山。來到了。金
光洞。慌忙走進洞門。望師父下拜。真人問曰。哪吒爲何這
等慌張。哪吒曰。石磯娘娘。賴弟子。射死他的徒弟。提寶劍
趕來。殺我把師父的乾坤圈。混天綾。都收去了。如今趕弟
子不放。現在洞外。弟子沒奈何。只得求見師父。望乞救命。
太乙真人曰。你這孽障。且在後桃園內。待我出去。看真人
出來。身倚洞門。只見石磯滿面怒色。手提寶劍。惡恨恨。趕
來。見太乙真人。打稽首。道。兄請了。太乙真人答禮。石磯曰。
道。兄你的門人。仗你道術。射死貧道的碧雲童兒。打壞了

彩雲童子。還將乾坤。困混天綾。來傷我。道兄好好把哪吒
叫他出來見我。還是好面相看。萬事俱息。若道兄隱護。只
恐明珠。彈雀反爲不美。真人曰。哪吒在我洞裡。要他出來
不難。你只到玉虛宮。見吾掌教老師。他教與你。我就與你。
哪吒奉御勅。欽命出世。輔保明君。非我一已之私。娘娘笑
曰。道兄差矣。你將教主壓我。難道你縱徒弟行兇。殺我的
徒弟。還將大言壓我。難道我不如你。我就罷了。你聽我道
來。

道德森森出混元。

修成乾建得長存。

三花聚頂非閑說。

五氣朝元豈浪言。

閑坐蒼龍歸紫極。

喜乘白鶴下昆崙。

休將教主欺吾黨。

劫運迴環已萬源。

話說太乙真人曰。石磯你說你的道德清高。你乃截教。吾
乃闡教。因吾輩一千五百年。不會斬却三尸。犯了殺戒。故
此降生人間。有征誅殺伐。以完此劫數。今成湯合滅。周至
當興。玉虛封神。應享人間富貴。當時三教僉押封神榜。吾
師命我教下徒衆。降生出世。輔佐明君。哪吒乃靈珠子。下
世。輔姜子牙。而滅成湯。奉的是元始掌教符命。就傷了你
的徒弟。乃是天數。你怎言包羅萬象。遲早飛昇。似你等無
憂無慮。無辱無榮。正好修持。何故輕動無名。自傷雅道。石

磯娘娘忍不住心頭火。喝曰：道同一理，怎見高低？太乙真人曰：道雖一理，各有所陳。你且聽吾分割。

交光日月鍊金英。

一顆靈珠透室明。

擺動乾坤知道力。

迺移生死見功成。

逍遙四海留踪跡。

歸在三清立姓名。

直上五雲雲路穩。

紫鸞殊鶴自來迎。

石磯娘娘大怒，手執寶劍，望真人劈面砍來。太乙真人讓過，抽身復入洞中，取劍掛在手上，暗袋一物，望東崑崙山下拜弟子。今在此山，開了殺戒，拜罷出洞，指石磯曰：你根源淺薄，道行難堅，怎敢在我乾元山自恃兇暴？石磯又一

劍砍來。太乙真人用劍架住口，稱善哉。石磯乃一頑石，成精採天地靈氣，受日月精華，得道數千年，尚未成正果。今逢大劫，本像難存。故到此山，一則石磯數盡，二則哪吒該在此處出身。天數已定，怎能逃躲？石磯娘娘與太乙真人往來衝突，翻騰數轉，二劍交加，未及數合，只見雲彩輝輝。石磯娘娘將八卦龍鬚帕丟起空中，欲傷真人。真人咲曰：萬邪豈能侵正？真人口中念念有詞，用手一指，此物不落。更待何時？八卦帕落將下來。石磯大怒，臉變桃花，劍如雪片。太乙真人曰：事到其間，不得不行。真人將身一躍，跳出圈子外來。將九龍神火罩拋起空中。石磯見罩欲逃不出。

已罩在裏面。且說哪吒看見師父用此物罩了石磯。嘆曰。早將此罩傳我。也不費許多力氣。哪吒出洞來見師父。太乙真人回頭看見徒弟來。呀。這頑皮他看見此罩。畢竟要了。但如今他還用不着。待子牙拜將之後。方可傳他。真人忙叫哪吒。你快去。四海龍君奏准玉帝來拿你父母了。哪吒聽得此言。滿眼垂淚。懇求真人曰。望師父慈悲。弟子一雙父母。子作災殃。遺累父母。其心何安。道罷。放聲大哭。真人見哪吒如此。乃附耳曰。如此如此。可救你父母之厄。哪吒叩謝。借土遁往陳塘關來。不表。且說太乙真人罩了石磯。石磯在罩內。不知東西南北。真人用兩手一拍。那罩內

騰騰焰起。烈烈光生。九條火龍盤繞。此乃三昧神火。燒煉石磯。一聲雷响。把娘娘真形煉出。乃是一塊頑石。此石生於天地玄黃之外。經過地水火風煉成精靈。今日天數已定。合於此地而死。故現其真形。此是太乙真人。該開殺戒。真人收了神火罩。又收乾坤圈。混天綾。進洞不表。且說哪吒飛奔陳塘關來。只見帥府前。人聲擾攘。眾家將見公子來了。忙報李靖曰。公子回來了。四海龍王敖光。敖順。敖明。敖吉。正看間。只見哪吒。勵聲叫曰。一人行事。一人當我打。死敖丙。李艮。我當償命。豈有子連累父母之理。乃對敖光曰。我一身非輕。乃靈珠子是也。奉玉虛符命。應運下世。我

今日剖腹剗腸剔骨肉還於父母不累雙親你們意下如何如若不肯我同你齊到靈霄殿見天王我自有一話說教光聽見此言也罷你既如此教你父母也有孝名四龍王便放了李靖夫婦哪吒便右手提劍先去一背膊後自剖其腹剗腸剔骨散了七竅三魂一命歸泉四龍王據哪吒之言回言不表殷夫人見哪吒尸骸用棺木盛了埋葬不表且說哪吒毫無所依魂無所倚他元是寶貝化現借了精血故有冤鬼哪吒飄飄蕩蕩隨風而至逕到乾元山來不知後事如何且聽下回分解

總批

哪吒頑劣不亞美侯王而一念忠孝慷慨激烈處有似花和尚鉄牛此傳固當與西遊水滸並傳

又批

頑石乃是一蠢然無知之物偶借天地之精華而成形所以做事就有這些孟浪造次未免遭此劫數今之蠢然無知之輩乍識些字便妄自尊大何以異此所以今人常稱此輩石頭眼有以也作此傳者真

大慈悲菩薩

第十四回

哪吒現蓮花化身

詩曰

仙家法力妙難量。

起死回生有異方。

一粒丹砂歸命寶。

幾根荷葉續冤湯。

超凡不用骯髒骨。

入聖須尋返鬼香。

從此開疆歸聖主。

岐周事業借匡襄。

且說金霞童兒進洞來。啟太乙真人曰。師兄。杏杏冥冥。飄飄蕩蕩。隨風定止。不知何故。真人聽說。早解其意。忙出洞來。真人分付哪吒。此處非汝安身之所。你回到陳塘關。托一夢與你母親離關四十里。有一翠屏山。山上有一空地。

令你母親造一座哪吒行宮。你受香烟三載。又可立於人間。輔佐真主。可速去。不得遲悞。哪吒聽說離了乾元山。往陳塘關來。正值三更時分。哪吒來到香房。叫母親孩兒。乃哪吒也。如今我冤鬼無棲。望母親念為兒死得好苦。離此四十里。有一翠屏山上。與孩兒建立行宮。使我受些香烟。好去托生天界。孩兒感母親之慈德。甚於天淵。夫人醒來。却是一夢。夫人大哭。李靖問曰。夫人為何啼哭。夫人把夢中事說了一遍。李靖大怒曰。你還哭他。他害我們不淺。常言夢隨心生。只因你思想他。便有許多夢魂顛倒。不必疑惑。夫人不言。且說次日。又來托夢。三日又來。夫人合上眼。

以下就立面前不覺五七日之後。哪吒他生前性極勇猛。死後鬼魄也是驍雄。遂對母親曰。我求你數日。你全不念孩兒苦。正不肯造行宮。我這手抄你個六宅不安。人醒來。不說對李靖說。夫人見此。復人與此銀兩。送與屏山。與功破土。之。這哪吒神像。一。月功完。哪吒在此。奉屏山。顯聖。感動萬民。千言。靈。請。萬。因此。廟宇軒昂。十分齊整。但見

八字粉牆開

硃戶銅環左右排

碧瓦雕簷三

數株松栢

神厨寶坐金粧就

龍鳳旂幟瑞色裁

帳慢懸鉤吞半月

沉檀煨煨結鳳

奪得鬼判立塵埃

逐日紛紛祭彩雲

哪吒在翠屏山。蘇聖四方遠近居民俱來進香。紛紛如蟻。日盛一日。往往不斷。祈福禳災。無不感應。不覺烏飛兔走。似箭光陰。一載有餘。且說李靖因東伯姜公。為父報仇。調四十萬人馬。游竟開大戰。實融融不能取勝。李靖在馬嶺操演三軍。緊守關隘。一日回兵往翠屏山。遇李靖在馬上看見。往往來來。扶老攜幼。進香男女紛紛似蟻人煙。李靖在馬上問曰。這山乃翠屏山。為何男女紛紛絡繹不絕。軍政官對曰。半年前有一神道在此感應顯聖。千

請千靈萬請萬感。祈福福至。禳患患除。故此驚動四方男女進香。李靖聽罷。想起來問中軍官。此神何姓何名。中軍回曰。是哪吒行宮。李靖大怒。傳令安營待我上山進香。人馬站立。李靖縱馬往山上來。進香男女閃開。李靖縱馬徑至廟前。只見廟門高懸一扁書。哪吒行宮四字。進得廟來。見哪吒形相如生。左右站立鬼判。李靖指而罵曰。畜生。你生前擾害父母。死後愚弄百姓。罵罷。提六鞭。鞭一鞭把哪吒金身打的粉碎。李靖怒發。復一脚蹬倒鬼判。傳令放火。燒了廟宇。分付進香萬民曰。此非神也不許進香。嚇得眾人忙忙下山。李靖上馬。怒氣不息。有詩為証。

詩曰

雄兵纔至翠屏疆。

忽見黎民日進香。

鞭打金身爲粉碎。

脚跳鬼判也遭殃。

火焚廟宇騰騰焰。

烟透長空烈烈光。

只因一氣冲牛斗。

父子參商有戰場。

話說李靖兵進陳塘關帥府下馬傳令將人馬散了李靖
進後廳殷夫人接見李靖罵曰你生的好兒子還遺害我
不少今又替他造行宮煽惑良民你要把我這條玉帶送
了纔罷如今權臣當道况我不與費仲尤渾二人交接倘
有人傳至朝歌奸臣參臣假降邪神白白的斷送我數載

之功。這樣事俱是你婦人所爲。今日我已燒毀廟宇你若
再與他起造那時我也不與你好休。且不言李靖再表哪
吒那一日出神不在行宮。及至回來只見廟宇無存山紅
土赤烟焰未滅。兩個鬼判含淚來接。哪吒問曰怎的來。鬼
判答曰是陳塘關李總兵突然上山打碎金身。燒毀行宮。
不知何故。哪吒曰我與你無干了。骨肉還於父母。你如何
打我金身。燒我行宮。令我無處棲身。心上甚是不快。沉思
良久。不若還往乾元山走一遭。哪吒受了半年香烟。已覺
有些形聲。一時到了高山。至于洞府。金霞童兒引哪吒見
太乙真人。真人曰你不在行宮接受香火。你又來這裏做

甚麼哪吒跪訴前情。被父親將泥身打碎。燒毀行宮。弟子無所依倚。只得來見師父。望祈憐救。真人曰。這就是李靖的不是。他既還了父母骨肉。他在翠屏山上。與你無干。今使他不受香火。如何成得身體。况姜子牙下山已快也罷。既為你。就與你做件好事。叫金霞童兒。把五蓮池中蓮花。摘二枝。荷葉摘三個來。童子忙忙取了荷葉蓮花。放于地下。真人將花勒下。辨兒鋪成三才。又將荷葉梗兒折成三百骨節。三個荷葉按上中下。按天地人。真人將一粒金丹。放于居中。法用先天氣運九轉。分離龍坎虎。綽住哪吒。竟見望荷蓮里一推。喝聲哪吒。不成人形。更待何時。只聽得

响一聲。跳起一個人來。面如傅粉。唇似塗朱。眼運精光。身長一丈六尺。此乃哪吒蓮花化身。見師父拜倒在地。真人曰。李靖毀打泥身之事。其實傷心。哪吒曰。師父在上。此仇決難干休。真人曰。你隨我桃園里來。真人傳哪吒火尖鎗。不一時。已自精熟。哪吒就要下山報仇。真人曰。鎗法好了。賜你腳踏風火二輪。另授靈符秘訣。真人又付豹皮囊。囊中放乾坤圈。混天綾。金磚一塊。你往陳塘關去走一遭。哪吒叩首拜謝師父。上了風火輪。兩腳踏定。手提火尖鎗。逕往關上來。

詩曰

兩朵蓮花現化身。

靈珠二世出凡塵。

手提紫焰蛇矛寶。

腳踏金霞風火輪。

豹皮囊內安天下。

紅錦綾中福世民。

歷代聖人為第一。

史官遺筆萬年新。

話說哪吒來到陳塘關。逕進關來。至帥府。大呼曰。李靖早來見我。有軍政官報入府內。外面有三公子。腳踏風火二輪。手提火尖鎗。口稱老爺姓諱。不知何故。請老爺定奪。李靖喝曰。胡說人死豈有再生之理。言未了。只見又一起人來報。老爺如出去遲了。便殺進府來。李靖大怒。有這樣事。忙提畫戟上了青驄。出得府來。見哪吒腳踏風火二輪。手

提火尖鎗。比前大不相同。李靖大驚。問曰。你這畜生。你生前作怪。死後還魂。又來這裡纏擾。哪吒曰。李靖。我骨肉已交還與你。我與你無相干。碍你為何。在翠屏山鞭打我的金身。火燒我的行宮。今日拿你。報一鞭之恨。把鎗棍一棍。劈腦刺來。李靖將畫戟相迎。輪馬盤旋。戟鎗並舉。哪吒力大無窮。三五合。把李靖殺的馬仰人翻。力盡筋輪。汗流脊背。李靖只得望東南逃走。哪吒大叫曰。李靖。休想今番饒你。不殺你。决不空回。往前趕來。不多時。看看趕上。哪吒的風火輪快。李靖馬慢。李靖心下着慌。只得下馬。借土遁去了。哪吒笑曰。五行之術。道家平常。難道你土遁去了。我就

饒你一脚一登駕起風火二輪只見風火之聲如飛雲掣電望前追趕李靖自思今番趕上一鎗被他刺死如之奈何李靖見哪吒看看至近正在兩難之際忽然聽得有人作歌而來

歌曰

清水池邊明月

綠楊堤畔桃花

別是一般清味

凌空幾片飛霞

李靖看時見一道童頂着髮巾道袍大袖麻履絲絛來者乃九公山白鶴洞普賢真人徒弟木吒是也木吒曰父親孩兒在此李靖看時乃是次子木吒心下方安哪吒駕輪

正趕見李靖同一道童講話哪吒落下輪來木吒上前大喝一聲慢來你這孽障好大膽子惡交忤逆亂倫早早回去饒你不死哪吒曰你是何人口出大言木吒口你連我也認不得吾乃木吒是也哪吒方知是二哥忙叫曰二哥你不知其詳哪吒把翠屏山的事細細說了一遍這個是李靖的是是我的是木吒大罵曰胡說天下無有不是的父母哪吒又把剖腹剝腸已將骨肉還他了我與他無干還有甚麼父母之情木吒大怒曰這等逆子將手中劍望哪吒一劍砍來哪吒鎗架住曰木吒我與你無仇你站開了待吾拿李靖報仇木吒大喝好孽障焉敢大逆提劍來

取哪吒道。這是大數造定。將生替死。手中鎗劈面交還。輪步交加。弟兄大戰。哪吒見李靖站立一傍。又恐走了他。哪吒性急。將鎗挑開劍。用手取金磚望空打來。木吒不隄防。一磚正中後心。打了一交跌在地下。哪吒登輪來取李靖。李靖抽身就跑。哪吒吐日。就趕到海島也。取你首級來。方泄吾恨。李靖望前飛走。真似失林飛鳥。漏網遊魚。莫知東南西北。往前又趕多時。李靖見事不好。自嘆曰。罷罷罷。想我李靖前生不知作甚孽障。致使仙道未成。又生出這等冤愆。也是合該如此。不若自己將刀戟刺死。免受此子之辱。正待動手。只見一人叫曰。李將軍。切不要動手。貧道來

信口作歌。

歌曰。

野外清風拂柳。

池中水面飄花。

借問安居何地。

白雲深處爲家。

作歌者乃五龍山雲霄洞文殊廣法天尊。手執拂塵而來。李靖看見。口稱老師。救末將之命。天尊曰。你進洞去。我這裏等他。少刻哪吒雄糾糾氣昂昂。腳踏風火輪。持鎗趕至。看見一道者。怎生模樣。

雙抓髻雲分靄靄。水合袍緊束絲絳。仙風道骨任逍遙。腹隱許多玄妙。玉虛宮元始門下。羣仙首會赴蟠桃。全

掛神海
憑五氣煉成。蒙天皇氏修仙養道。

話說哪吒看見一道人。站立山坡上。又不見李靖。哪吒問曰。那道者可曾看見一將過去。天尊曰。方纔李將軍進我雲霄洞裏去了。你問他怎的。哪吒曰。道者他是我的對頭。你好好放他出洞來。與你干休。若走了李靖。就是你替他戮三鎗。天尊曰。你是何人。這等狠毒。我也要戮三鎗。哪吒不知那道人是何等人。便叫曰。吾乃乾元山金光洞太乙真人徒弟。哪吒是也。你不可小覷了我。天尊說。自不曾聽見有甚麼太乙真人徒弟。叫做哪吒。你在別處撒野。便罷了。我這所在撒不的野。若撒一撒野。便拿去桃園內弔三

年打二百搨拐。哪吒那裏曉得好歹。將鎗一展。就刺天尊。天尊抽身就往本洞跑。哪吒踏輪來趕。天尊回頭看見哪吒來的近了。袖中取一物。名曰遁龍椿。又名七寶金蓮。望空丟起。只見風生四野。雲霧迷空。播土揚塵。落來有聲。把哪吒昏沉沉。不知南北。黑慘慘。怎認東西。頸項套一個金圈。兩隻腿兩個金圈。靠着黃澄澄金柱子站着。哪吒及睜眼看時。把身子動不得了。天尊曰。好孽障。撒的好野。喚金吒把扁拐取來。金吒忙取扁拐。至天尊面前稟曰。扁拐在此。天尊曰。替我打金吒。領師命。持扁拐把哪吒一頓扁拐。打的三昧真火。七竅齊噴。天尊曰。且住了。同金吒進洞去。

了。那吒暗想。趕李靖。到不會趕上。到被他打了一頓扁拐。又走不得。那吒切齒深恨。沒奈何。只得站立此間。氣冲牛斗。看官這個是太乙真人。明明送那吒到此。磨他殺性。真人已知此情。那吒正煩惱時。只見那壁廂大袖寬袍。絲絲麻履。乃太乙真人來也。那吒看見。叫曰。師父。望乞救弟子。一救。連叫數聲。真人不理。逕進洞去了。有白雲童兒報曰。太乙真人在此。天尊迎出洞來。對真人攜手笑曰。你的徒弟。叫我教訓他。二仙坐下。太乙真人曰。貧道因他殺戒重了。故送他來。磨其真性。孰知果獲罪於天尊。天尊命金吒放了那吒來。金吒走到那吒面前。道。你師父叫你。那吒曰。

你明明的耐何我。你弄甚麼障眼法兒。把我動展不得。你還來消遣我。金吒笑曰。你閉了口。那吒只得閉着眼。金吒將靈符畫畢。收了遁龍棒。那吒急待看時。其圈棒俱不見了。那吒點頭道。好好好。今日吃了無限大虧。且進洞去。見了師父。再做處置。二人進洞來。那吒看見打他的道人在左邊。師父在右邊。太乙真人曰。過來與你師伯叩頭。那吒不敢違傲師命。只得下拜。那吒道。謝打了轉身。又拜師父。太乙真人叫李靖過來。李靖倒身下拜。真人曰。翠屏山之事。你也不該心量窄小。故此父子參商。那吒在傍。只氣的面如火發。恨不的吞了李靖纜。好二仙早解其意。真人曰。

從今父子再不許犯顏。分付李靖你先去罷。李靖謝了。真人逕出來了。就把哪吒急的敢怒而不敢言。只在傍邊抓耳揉腮。長吁短嘆。真人暗笑曰。哪吒你也回去罷。好生看守洞府。我與你師伯下棋。一時就來。哪吒聽見此言。心花兒也開了。哪吒曰。弟子曉得。忙忙出洞。踏起風火二輪。追趕李靖。往前趕有多時。哪吒看是李靖。前邊駕着土遁。大叫李靖休走。我來了。李靖看見叫苦曰。這道者可爲失言。既先着我來。就不該放他下山。方是爲我。令沒多時便放他來趕我。這正是爲人不終。怎生奈何。只得往前逃走。却說李靖被哪吒趕的上天無路。入地無門。正在危急之際。

只見山崗上有一道人倚松靠石而言曰。山脚下可是李靖。李靖抬頭一看。見一道人。靖曰。師父。末將便是。李靖道。人曰。爲何慌忙。靖曰。哪吒追之甚急。望師父垂救。道人曰。快上崗來。站在我後面。爲我救你。李靖上崗。躲在道人之後。喘息未定。只見哪吒風火輪响。看看趕至崗下。哪吒看見兩人站立。便冷笑一番。驚道。這一遭又吃虧罷。踏着輪往崗上來。道者問曰。來者可是哪吒。哪吒答曰。我便是。你這道人爲何叫李靖。站立在你後面。道人曰。你爲何事趕他。哪吒又把翠屏山的事說了一遍。道人曰。你既在五龍山講明了。又趕他。是你失信也。哪吒曰。你莫管我們今日。

定要拿他。以泄我恨。道人曰：你既不肯，便對李靖曰：你就與他殺一回，與我看。李靖曰：老師，這畜生力大無窮，末將殺他不過。道人站起來，把李靖一口啐，把脊背上打一巴掌。你殺與我看。有我在，此不妨事。李靖只得持戟刺來。哪吒持火尖鎗來迎。父子二人戰在山崗，有五六十回合。哪吒這一回，被李靖殺的汗流滿面，遍體生津。哪吒遮架，盡戰不住，暗自沉思。李靖原殺我，不過方纔這道人碎他一口，撲他一掌，其中必定有此原故。我有道理，待我賣個破綻，一鎗先戳死道人。然後再一手。李靖哪吒將身一躍，跳出圈子來。一鎗竟刺道人。道人兀口一張，一朵白蓮花接住。

了火尖鎗。道人曰：李靖且住。李靖聽說，急架住火尖鎗。道人問哪吒曰：你這孽障，你父子斷殺我，與你無仇，你怎的刺我一鎗？到是雲曰：蓮架住，不然我反被你暗算。這是何說？哪吒曰：先前李靖殺不過我，你叫他與我戰，你爲何啐他一口，掌他一下，這分明是你弄鬼，使我戰不過他。我故此刺你一鎗，以泄其忿。道人曰：你這孽障，敢來刺我。哪吒大怒，把鎗展一展，又劈腦刺來。道人跳開一傍，袖兒望上一舉，只見祥雲繚繞，紫霧盤旋，一物往下落來，把哪吒罩在玲瓏塔里。道人雙手在塔上一拍，塔里火發，把哪吒燒的大叫饒命。道人在塔外問曰：哪吒，你可認父親？哪吒

只得連聲答應。老爺我認是父親了。道人曰：既認父親，我便饒你。道人忙收寶塔。哪吒睜眼一看，渾身上下並莫有燒壞些兒。哪吒暗思：有這等的異事！此道人真是弄鬼道。人曰：哪吒你既認李靖爲父，你與他叩頭。哪吒意欲不肯。道人又要祭塔。哪吒不得已，只得忍氣吞聲，低頭下拜。尙有不忿之色。道人曰：還要你口稱父親。哪吒不肯答應。道人曰：哪吒你既不認父親，還是不服。再取金塔燒你。哪吒着慌，連忙高叫父親。孩兒知罪了。哪吒口稱雖叫，心上實是不服。只是暗暗切齒。自思道：李靖你常遠帶着道人走。道人喚李靖曰：你且跪下。我秘授你這一座金塔。如哪吒

不服，你便將此塔祭起，燒他。哪吒在傍，只是暗暗叫苦。道人曰：哪吒你父子從此和睦。久後俱係一殿之臣，輔佐明君，成其正果。再不必言其前事。哪吒你回去罷。哪吒見是如此，只得回乾元山去了。李靖跪而言曰：老爺廣施道德，解弟之危厄，請問老爺高姓大名？那座名山何處洞府？道人曰：貧道乃靈鷲山元覺洞燃燈道人。是也。你修道未成，合享人間富貴。今商紂失德，天下大亂，你且不必做官，隱於山谷之中，暫忘名利。待武周興兵，你再出來立功立業。李靖叩首在地，回闔隱跡去了。道人原是太乙真人。請到此間磨哪吒之性，以認父之情。後來父子四人，肉身成聖。

托塔天王乃李靖也。後人有詩曰

黃金造就玲瓏塔。

萬道豪光透九重。

不是燃燈施法力。

天教父子復相從。

此是哪吒二次出世。于陳塘關後子牙下山。正應文王羨里七載之事。不知後節何如。且聽下回分解。

總批

起死回生。原是神仙妙術。太乙真人。起初就當如此救度他。何必又教他去翠屏山上受甚麼香火。致使他父子兄弟分言。若是故意做此勾當。磨折他段性。此分明是婆子氣。

又批

今觀太乙文殊燃燈諸菩薩。俱是不爽利的。哪吒爭燥。便當明白曉諭他父子兄弟之道。何故反左支右吾。令李靖狼狽不成。為父之體。此所以謂之和尚道士耳。呵呵。

瘟斗下四部羣星列宿。三山五岳步雨興雲善惡之神。此時成湯合滅。周室當興。又逢神仙犯戒。元始封神。姜子牙享將相之福。恰逢其數。非是偶然。所以五百年有王者起。其間必有名世者。止此之故。一日元始天尊坐八寶雲光座上。命白鶴童子請你師叔姜尚來。白鶴童子往桃園中來。請子牙口稱師父。老爺有請。子牙忙至寶殿座前行禮。曰。弟子姜尚拜見天尊。曰。你上崑崙幾載了。子牙曰。弟子三十二歲上山。如今虛度七十二歲了。天尊曰。你生來命薄。仙道難成。只可受人間之福。成湯數盡。周室將興。你與我代勞封神下山。扶助明主。身爲將相。也不枉你上山修

行四十年之功。此處亦非汝久居之地。可早早收拾下山。子牙哀告曰。弟子乃真心出家。苦熬歲月。今亦有年。修行雖是滾芥投針。望老爺大發慈悲。指迷歸覺。弟子情願在山苦行。必不敢貪戀紅塵富貴。望尊師收錄。天尊曰。你命緣如此。必聽於天。豈得違拗。子牙戀戀難捨。有南極仙翁上前言曰。子牙機會難逢。時不可失。况天數已定。自難逃躲。你雖是下山。待你功成之時。自有上山之日。子牙只得下山。子牙收拾琴劍衣囊。起身拜別師尊。跪而泣曰。弟子領師法旨下山。將來歸着如何。天尊曰。子今下山。我有八句鈴偈。後日有驗。

傷日

二十年來窘迫聯。

耐心守分且安然。

磻溪石上垂竿釣。

自有高明訪子賢。

輔佐聖君爲相父。

九三拜將握兵權。

諸侯會合逢戊甲。

九八卦神又四年。

天尊道罷雖然你去。還有上山之日。子牙拜辭天尊。又辭衆位道友。隨帶行囊。出玉虛宮。有南極仙翁。送子牙在麒麟崖。分付日子牙前途保重。子牙別了南極仙翁。自己暗思。我上無叔伯兄嫂。下無弟妹子侄。叫我往那裏去。我似失林飛鳥。無一枝可棲。忽然想起朝歌有一結義仁兄。宋

異人。不若去投他罷。子牙借土遁前來。早至朝歌。離南門三十五里。至宋家庄。子牙看門庭依舊。綠柳長存。子牙嘆曰。我離此四十載。不覺風光依舊。人面不同。子牙到得門前。對看門的問曰。你員外在家否。管門人問曰。你是誰。子牙曰。你只說故人姜子牙相訪。庄童來報員外。外邊有一故人姜子牙相訪。宋異人正筭帳。聽見子牙來。忙忙迎出庄來。口稱賢弟。如何數十載不通音問。子牙連應曰。不才弟有二人。攜手相攬。至於草堂。各施禮坐下。異人曰。常時渴慕。今日重逢。幸甚幸甚。子牙曰。自別仁兄。實指望出世超凡。奈何緣淺分薄。未遂其志。今到高庄。得會仁兄。乃尚

之幸。異人忙分付收拾飯食。又問曰：是齋是葷？子牙曰：既出家，豈有飲酒吃葷之理？弟是吃齋。宋異人曰：酒乃瑤池玉液，洞府瓊漿，就是神仙也。赴蟠桃會，酒吃些兒，無方子。牙曰：仁兄見教。小弟領命。二人懽飲。異人曰：賢弟，上崑崙多少年了？子牙曰：不覺四十載。異人嘆曰：好快！賢弟在山，可曾學些甚麼？子牙曰：怎麼不學？不然所作何事？異人曰：學些甚麼道術？子牙曰：挑水澆松，種桃燒火，搗爐煉丹。異人笑曰：此乃僕傭之役，何足掛齒。今賢弟既回來，不若尋些事業，何必出家？就在我家同住，不必又往別處去。我與你相知，非比別人。子牙曰：正是。異人曰：古云：不孝有三，無

後爲大賢弟，也是我與你相處一場。明日與你議一門親生，下一男半女，也不失姜姓之後。子牙搖手曰：仁兄，此事且再議。二人談講至晚。子牙就在宋家庄住下。話說宋異人二日早起，騎了驢兒往馬家庄上來議親。異人到庄，有庄童報與馬員外曰：有宋員外來拜馬員外。大喜，迎出門來，便問員外是那陣風兒刮將來。異人曰：小侄特來與令愛議親。馬員外大悅，施禮坐下。茶罷，員外問曰：賢契將小女說與何人？異人曰：此人乃東海許州人氏，姓姜名尚，字子牙，別號飛熊，與小姪契交通家。因此上這一門親正好。馬員外曰：賢契主親，並無差遲。宋異人取白金四錠，以爲

聘資馬員外收了。忙設酒席款待異人。抵暮而散。且說子牙起來。一日不見宋異人。問庄童曰：你員外那里去了？庄童曰：早晨出門。想必討帳去了。不一時異人下了牲口。子牙看見迎門接曰：兄長那裏回來？異人曰：恭喜賢弟。子牙問曰：小弟喜從何至？異人曰：今日與你議親。正是相逢千里會合姻緣。子牙曰：今日時辰不好。異人曰：陰陽無忌。吉人天相。子牙曰：是那家女子？異人曰：馬洪之女。才貌兩全。正好配賢弟。還是我妹子。人家六十八歲黃花女兒。異人治酒與子牙賀喜。二人飲罷。異人曰：可擇一良辰娶親。子牙謝曰：承兄看顧。此德怎忘。乃擇選良時吉日迎娶馬氏。

宋異人又排設酒席。邀庄前庄後隣舍四門親友慶賀。迎親其日。馬氏過門。洞房花燭成就。夫妻正是天緣遇合。非偶然。有詩曰：

離却崑崙到帝邦。

子牙今日娶妻房。

六十八歲黃花女。

稀壽有二做新郎。

話言子牙成親之後。終日思慕崑崙。只慮大道不成。心中不悅。那裏有心情與馬氏暮樂朝歡。馬氏不知子牙心事。只說子牙是無用之物。不覺過了兩月。馬氏曰：便問子牙。宋伯伯是你姑表弟兄。子牙曰：宋兄是我結義兄弟。馬氏曰：原來如此。便是親生弟兄也。無有不散的筵席。今宋伯

伯在我夫妻可以安閑自在。倘異日不在。我和你如何處。常言道。人生天地間。以營運為主。我勸你做些生意。以防我夫妻後事。子牙曰。賢妻說得是。馬氏曰。你會做些甚麼。生理。子牙曰。我三十二歲。在崑崙學道。不識甚麼世務。生意。只會編笊籬。馬氏曰。就是這個生意也好。况後園又有竹子。砍些來。劈些篾。編成笊籬。往朝歌城買些錢鈔。大小都是生意。子牙依其言。劈了篾子。編了一担笊籬。挑到朝歌來買。從早至午。賣到未末申初。也賣不得一個。子牙見天色至申時。還要挑着走。三十五里。腹內又餓了。只得奔回。一去一來。共七十里路。子牙把肩頭都壓癢了。走到門

前。馬氏看時。一担去。還是一担來。正待問時。只見子牙指馬氏曰。娘子。你不賢。恐怕我在家閑着。叫我賣笊籬。朝歌城必定不用笊籬。如何賣了一日。一個也賣不得。到把肩頭壓癢了。馬氏曰。笊籬乃天下通用之物。不說你不會賣。反來假報怨。夫妻二人。語去言來。犯顏嘶嚷。宋異人聽得。子牙夫婦炒攘。忙來問子牙曰。賢弟。爲何事。夫妻相爭。子牙把賣笊籬事。說了一遍。異人曰。不要說是你夫妻二人。就有三二十口。我也養得起。你們何必如此。馬氏曰。伯伯。雖是這等好意。但我夫妻日後也要歸着。難道束手待斃。宋異人曰。弟婦之言。也是何必做這個生意。我家倉裏麥

子生芽。可叫後生磨些麵。賢弟可挑去貨賣。却不强如編
箕籬子。牙把羅担收拾。後生支起磨來。磨了一担乾麵。子
牙次日挑着進朝歌貨賣。從四門都走到了。也賣不的一
筋。腹內又饑。担子又重。只得出南門。肩頭又痛。子牙歇下
了担兒。靠着城牆坐一坐。少憇片時。自思運蹇時。乖作詩
一首。

詩曰

四八崑崙訪道玄。

豈知緣淺不能全。

紅塵黯黯難睜眼。

浮世紛紛怎脫肩。

借得一枝棲止處。

金枷玉鎖又來纏。

何時得遂平生志。

靜坐溪頭學老禪。

話說子牙坐了一會。方纔起身。只見一個人叫賣麵的。站
着。子牙說發利市的來了。歇下担子。只見那人走到面前。
子牙問曰。要多少麵。那人曰。買一文錢的。子牙又不好不
賣。只得低頭挑麵。不想子牙不是久挑担子的人。把肩担
拋在地。傍繩子撒在地下。此時因紂王無道。反了東南四
百鎮諸侯。報來甚是緊急。武城王日日操練人馬。因放散
營砲响。驚了一騎馬。溜繩奔走如飛。子牙灣着腰撮麵。不
會提防。後邊有人大叫曰。賣麵的馬來了。子牙忙則身馬
已到了。担上繩子鋪在地下。馬來的急。繩子套在馬七寸

上把兩羅麵拖了五六丈遠。麵都潑在地下。被一陣狂風。將麵刮個乾淨。子牙急搶麵時。渾身俱是麵。裹了買麵的人。見這等模樣。就去了。子牙只得回去。一路嗟嘆。來到庄前。馬氏見子牙空羅回來。大喜。朝歌城乾麵。這等賣的。子牙到了。馬氏跟前。把羅担一丟。罵曰。都是你這賤人多事。馬氏曰。乾麵賣的乾淨。是好事。反來罵我。子牙曰。一担麵挑至城裏。何常賣得。至下午纔賣一文錢。馬氏曰。空羅回來。想必都賒去了。子牙氣沖沖的曰。因被馬溜纏。把繩子絆住腳。把一担麵帶潑了一地。天降狂風。一陣把麵都吹去了。都不是你這賤人惹的事。馬氏聽說。把子牙劈臉一

口啐。到不是你無用。反來怨我。真是飯裏衣架。惟知飲食之徒。子牙大怒。賤人女流。焉敢啐侮丈夫。二人揪扭一堆。宋異人同妻孫氏來勸。叔叔却為何事。與嬌嬌爭競。子牙把賣麵的事說了一遍。異人笑曰。担把麵能值幾何。你夫妻就這等起來。賢弟同我來。子牙同異人往書房中坐下。子牙曰。承兄雅愛。提攜小弟。弟時乖運蹇。做事無成。實爲有愧。異人曰。人以運爲主。花逢時發。古語有云。黃河尚有沉清日。豈可人無得運時。賢弟不必如此。我有許多夥計。朝歌城有三五十座酒飯店。俱是我的。待我邀衆朋友來。你會他們一會。每店讓你開一日。週而復始。輪轉作生涯。

却不是好子牙作謝道。多承仁兄抬舉。異人隨將南門張家酒飯店與子牙開張。朝歌南門乃是第一箇所在。近教場各路通衢。人烟湊積。大是熱鬧。其日做手多宰猪羊。蒸了點心。收拾酒飯齊整。子牙掌櫃坐在裏面。一則子牙乃萬神總領。一則年度不利。從早晨到巳牌時候。鬼也不上門。及至午時。傾盆大雨。黃飛虎不曾操演。天氣炎熱。猪羊餚饌被這陣暑氣一蒸。登時嗅了點心。餓了酒。都酸了。子牙坐得沒趣。叫衆把持你們把酒餚都吃了罷。再過一時。可惜了。子牙作詩曰。

皇天生我在塵寰。

虛度風光困世間。

鵬翅有時騰萬里。

也須飛過九重山。

當時子牙至晚回來。異人曰。賢弟今日生意如何。子牙曰。愧見仁兄。今日折了許多本錢。分文也不會賣得下來。異人嘆曰。賢弟不必腦守時候。命方爲君子。總來折我。不多再作區處。別尋道路。異人怕子牙着腦。兌五十兩銀子。叫後生同子牙走積場。販賣牛馬猪羊。難道店東西也會臭了。子牙收拾去買猪羊。非止一日。那日販買許多猪羊。趕往朝歌來賣。此時因紂王失政。妲己殘害生靈。奸臣當道。豺狼滿朝。故此天心不順。旱潦不均。朝歌半年不曾下雨。天子百姓祈禱。禁了屠沽。告示曉諭軍民人等各門張掛。

子牙失於打點。把牛馬猪羊往城裏趕。被看門人役叫聲。違禁犯法。拿了子牙。聽見就抽身跑了。牛馬牲口俱被入官。子牙只得束手歸來。異人見子牙慌慌張張。面如土色。急問子牙曰。賢弟爲何如此。子牙長吁嘆曰。屢蒙仁兄厚德。件件生意俱做不着。致有虧折。今販猪羊。又失打點。不知天子祈雨。斷了屠沽。違禁進城。猪羊牛馬入官。本錢盡絕。使姜尚愧身無地。奈何奈何。宋異人笑曰。幾兩銀子。入了官罷了。何必惱他賢弟。我攜一壺。與你散散悶懷。到我家後花園去。子牙時來運至。後園先收五路神。不知後事何如。且聽下回分解。

總批

子牙乃三代人物。一世英雄。豈是草草豪傑。故做事多有不就緒耳者。是以一件事做妥貼了。反是慢這個人。一生孟子所以說。故天將降大任於斯人也。必苦其心志。勞其筋骨。餓其體膚。云云。良有以也。

又批

馬氏也是有見識的人。只是不可以世俗之見待子牙。所以不足取耳。若是近日婦人。只知安閑了事。有吃有穿罷了。那里又論身後一着。此婦又超出今人之上。

第十六回

子牙火燒琵琶精

詩曰

妖孽頻興國勢闌。

大都天意久摧殘。

休言怪氣侵牛斗。

且俟精靈殺豸冠。

千載修持成枉事。

一朝被獲若為歡。

當時不遇天仙術。

安得琵琶火後看。

說話子牙同異人來到後花園。週圍看了一遍。果然好個所在。但見

牆高數仞。門壁清幽。左邊有兩行金線垂楊。右壁有幾株剔牙松樹。牡丹亭對玩花樓。芍藥圃連鞦韆架。荷花

池內來來往錦鱗遊。木香蓬下翩翩翻翻蝴蝶戲。正是小園光景似蓬萊。樂守天年娛晚景。

話說異人與子牙來後園散悶。子牙自不曾到此處。看了一回。子牙曰。仁兄這一塊空地。怎的不起五間樓。異人曰。起五間樓。怎說。子牙曰。小弟無恩報兄。此處若起做樓。按風水有三十六條玉帶金帶。有一升芝麻之數。異人曰。賢弟也知風水。子牙曰。小弟頗知一二。異人曰。不瞞賢弟說。此處也起造七八次。造起來就燒了。故此我也無心起造。他子牙曰。小弟擇一日辰。仁兄只管起造。若上樑那日。仁兄只是管待匠人。我在此替你壓邪氣。自然無事。異人

信子牙之言。擇日興工。破土起造樓房。那日子時上樑。異人待匠在前堂。子牙在牡丹亭裏坐定等候。看是何怪異。不一時狂風大作。走石飛砂。播土揚塵。火光影裏。見些妖魅。臉分五色。猙獰怪異。怎見得

狂風大作。惡火飛騰。烟繞處黑霧濛濛。火起處千團紅焰。臉分五色。赤白黑色。共青黃。巨口獠牙。吐放霞光。千萬道風逞火勢。忽喇喇走萬道金蛇。火遶烟迷。赤律律天黃地黑。山紅土赤。煞時間萬物齊崩。閃電光輝。一會家千門盡倒。正是妖氣烈火冲霄漢。方顯龍岡怪物兇。話說子牙在牡丹亭裡。見風火影裡。五個精靈作怪。子牙

忙披髮仗劍。用手一指。把劍一揮。喝聲孽畜。不落更待何時。再把手一放。雷鳴空中。把五個妖物。慌忙跪倒。口稱上仙。小畜不知。上仙駕臨。望乞全生。施放大德。子牙喝道。好孽畜。火毀樓房。數次。克心不息。今日罪惡貫盈。當受誅戮。道罷。提劍向前。就斬妖怪。衆怪哀告曰。上仙道心無處不慈悲。小畜得道多年。一時冒瀆天顏。望乞憐赦。今一旦誅戮。可憐我等數年功行。付于流水。拜伏在地。苦苦哀告。子牙曰。你既欲生。不許在此擾害萬民。你五畜受吾符命。逕往西岐山。久後搬泥運土。聽候所使。有功之日。自然得與正果。五妖叩頭。逕往岐山去了。不說子牙壓星收妖。且說

那日是上樑吉日。三更子時。前堂異人待匠。馬氏同姆姆。孫氏往後園暗暗的看子牙做何事。二人來至後園。只聽見子牙分付妖怪。馬氏對孫氏曰。大娘。你聽聽子牙自己說話。這樣人。一生不長進。說鬼話的人。怎得有昇騰日子。馬氏氣將起來。走到子牙面前。問子牙曰。你在此裡與誰講話。子牙曰。你女人家不知道。方纔壓妖。馬氏曰。自己說鬼話。壓甚麼妖。子牙曰。說與你也不知道。馬氏正在園中與子牙分辨。子牙曰。你那裡曉得甚麼。我善能風水。又識陰陽。馬氏曰。你可會算命。子牙曰。命理最精。只是無處開一命館。正言之間。宋異人見馬氏孫氏與子牙說話。異人

日賢弟方纔雷響。你可曾見些甚麼。子牙把收妖之事說了一遍。異人謝曰。賢弟這等道術。不在修行一番。孫氏曰。叔叔會算命。却無處開一命館。不知那所在。有便房。把一間與叔叔開館也好。異人曰。你要多少房子。朝歌南門最熱鬧。叫後生收拾一間房子。與子牙去開命館。這個何難。却說安童將南門房子。不日收拾齊整。貼幾幅對聯。左邊是只言玄妙一團理。右邊是不說尋常半句虛。裡邊又有。一對聯云。一張鉄嘴誠破人間凶。與吉兩隻怪眼善觀世上敗和興。上席又一幅云。袖裏乾坤大。壺中日月長。子牙選吉日開館。不覺光陰。撚指四五個月。不見算命卦帖的。

來只見那日有一樵子。姓劉名乾。挑着一擔柴往南門來。忽然看見一命館。劉乾歇下柴担。念對聯。念到袖裏乾坤大。壺中日月長。劉乾原是朝歌破刺戶。走進命館來。看見子牙伏案而臥。劉乾把桌子一拍。子牙嚇了一驚。揉着擦目。看時那一人身長丈五。眼露兇光。子牙曰。兄起課是看命。那人道。先生上姓。子牙曰。在下姓姜名尚。字子牙。別號飛熊。劉乾曰。且問先生袖裏乾坤大。壺中日月長。這對聯怎麼講。子牙曰。袖裏乾坤大。乃知過去未來。包羅萬象。壺中日月長。有長生不死之術。劉乾曰。先生口出大言。既知過去未來。想課是極准的了。你與我起一課。如准二十文。

青蚨。如不准打幾拳頭。還不許你在此開館。子牙暗想。幾箇月全無生意。今日撞着這一箇。又是撥嘴的人。子牙曰。你取下一卦帖來。劉乾取了一箇卦帖兒。遞與子牙。子牙曰。此卦要你依我纔准。劉乾曰。必定依你。子牙曰。我寫四句在帖兒上。只管去。上面寫着。一直往南走。柳陰一老叟。青蚨一百二十文。四個點心。兩碗酒。劉乾看罷。此卦不准。我賣柴二十餘年。那個與我點心酒吃。論起來。你的不准。子牙曰。你去包你准。劉乾挑着柴。逕往南走。果見柳樹下。站立一老者。叫曰。柴來。劉乾暗想好課。果應其言。老者曰。這柴要多少錢。劉乾答應要一百文。少討二十文。拗他一

拗。老者看看好柴。乾的好細子。大就是一百文也罷。勞你替我拿拿進來。劉乾把柴拿在門裡。落下草葉來。劉乾愛乾淨。取掃帚把地下掃得光光的。方纔將尖擔繩子收拾停當。等錢老者出來。看見地下乾淨。今日小廝勤謹。劉乾曰。老丈是我掃的。老者曰。老哥。今日是我小兒。婢姻遇着。你這好人。又買的好柴。老者說罷。往裡邊去。只見一箇孩子。捧着四個點心。一壺酒。一個碗。員外與你吃。劉乾嘆曰。姜先生真乃神仙也。我把這酒滿滿的斟一碗。那一碗淺些。也不算他准。劉乾滿斟一碗。再斟第二碗。一樣不差。劉乾吃了酒。見老者出來。劉乾曰。多謝員外。老者拿兩封錢。

出來。先遞一百文與劉乾曰。這是你的柴錢。又將二十文遞與劉乾曰。今日是我小兒喜辰。這是與你做喜錢買酒吃。就把劉乾驚喜無地。想朝歌城出神仙了。拿着尖擔。逕往姜子牙命館來。早晨有人聽見劉乾言語不好。衆人曰。姜先生這劉大不是好惹的。卦如果不准。你去罷。子牙曰。不妨。衆人俱在這裡閑站。等劉乾來。不一時。只見劉乾如飛前來。子牙問曰。卦准不准。劉乾大呼曰。姜先生真神仙也。好准課。朝歌城中有此高人。萬民有福。都知趨吉避凶。子牙曰。課既准了。取謝儀來。劉乾曰。二十文其實難爲你。輕你口裡只管念。不見拿出錢來。子牙曰。課不准。兄便說。

嗚呼。課既准。可就送我課錢。如何只管口說。劉乾可就一百二十文都送你。也還虧你姜先生不要急。等我來。劉乾站立簷前。只見南門那邊來了一個人。腰束皮挺帶。身穿布衫。行走如飛。劉乾趕上去。一把扯住那人。那人曰。你扯我怎的。劉乾曰。不爲別事。扯你算個命。見那人曰。我有緊急公文要走路。我不算命。劉乾道。此位先生課命准的好。該照頭他一命。况舉醫符卜。乃是好情。那人曰。兄真個好笑。我不算命。也由我。劉乾大怒。你算也不算。那人道。我不算。劉乾曰。你既不算。我與你跳河。把命配你。一把拽住。那人就往河裏跑。衆人曰。那朋友劉大哥分上。算個命罷。

那人說我無甚事怎的算命。劉乾道若算不准我替你出錢。若准你還要買酒請我。那人無法見劉乾。竟得緊只得進子牙命館來。那人是个公差。有緊急事等不的算八字。看個卦罷。扯下一个帖兒來與子牙看。子牙曰。此卦做甚。廢用。那人曰。催錢糧。子牙曰。卦帖批與你去自驗。此卦逢于銀錢根不必問。等候你多時。一百零三錠。那人接了卦帖。問曰。先生一課該幾個錢。劉乾曰。這課比衆不同。五錢一課。那人曰。你又不是先生。你怎麼定價。劉乾曰。不准包回換五錢一課。還是好了你。那人心忙意急。恐悞了公事。只得稱九錢銀子去了。劉乾辭謝子牙。子牙曰。承兄照顧。

衆人在子牙命館門前看那催錢糧的如何過了一個時辰。那人押解錢糧到子牙命館門前曰。姜先生真乃神仙出世。果是一百零三錠。真不負五錢一課。子牙從此時來轟動一朝。歌軍民人等俱來算命看課。五錢一命。子牙收得起的銀子。馬氏歡喜異人。遂心不覺光陰似箭。日月如梭。半年以後。遠近聞名。多來推算。不在話下。且說南門外軒轅墳中。有个玉石琵琶精。往朝歌城來看姐已。便在宮中夜食。宮人御花園太湖石下白骨現天。琵琶精看罷出宮。欲回巢穴。駕着妖光。逕往南門過。只聽得哄哄人語。擾攘之聲。妖精撥開妖光。看時却是姜子牙算命。妖精曰。待

我與他推算看他如何。妖精一化。變作一個婦人。身穿重孝。扭捏腰肢而言曰。列位君子。讓一讓。妾身筭一命。紉時人老誠。兩邊閃開。子牙正看命。見一婦人來的蹊蹺。子牙定睛觀看。認得是個妖精。暗思好孽畜也。來試我眼色。今日不除妖怪。等待何時。子牙曰。列位看命君子。男女授受不親。先讓這小娘子筭了去。然後依次筭來。衆人曰。也罷。我們讓他先筭。妖精進了裡面坐下。子牙曰。小娘子借右手一看。妖精曰。先生筭命。難道也會風鑑。子牙曰。先看相。後筭命。妖精暗笑。把右手遞與子牙看。子牙一把將妖精的寸關尺脉門搭住。將丹田中先天元氣運上火眼金睛。

把妖光釘住了。子牙不言。只一官看着婦人曰。先生不相。不言。我乃女流。如何拿住我手。快放手。傍人看着這是何說。傍人且多不知奧妙。齊齊大呼。姜子牙。你年紀老大。怎幹這樣事。你貪愛此女姿色。對衆欺騙。此乃天子日月脚下。怎這等無知。實爲可惡。子牙曰。列位。此女非人。乃是妖精。衆人大喝曰。好胡說。明明一箇女子。怎說是妖精。外面圍看的擠攘不開。子牙暗思。若放了女子。妖精一去。青白難辨。我既在此。當除妖怪。顯我姓名。子牙手中無物。止有一紫石硯臺。用手抓起石硯。照妖精頂上響一聲。打得腦漿噴出。血染衣襟。子牙不放手。還搭住了脉門。使妖精不能

變化兩邊人大叫莫等他走了。眾人齊喊。算命的打死了人。重重疊疊圍住了。子牙命館不一時打路的來。乃是亞相比于乘馬來到。問左右爲何眾人喧嚷。眾人齊說丞相駕臨。拿姜尚去見丞相。爺比于勒住馬。問甚麼事。內中有報不平的人跪下。啓老爺。此間有一人算命叫做姜尚。適間有一個女子來算命。他見女子姿色。便欲欺騙。女子貞潔不從。姜尚陡起兇心。提起石硯。照頂上一下打死。可憐血濺滿身。死于非命。比于聽衆口一辭大怒。喚左右拿來。子牙一隻手拖住妖精。拖到馬前跪下。比于曰。看你皓頭白鬚。如何不知國法。白日欺姦女子。良婦不從。爲何執硯

打死人命。關天。豈容惡党。助開明白。以正大法。子牙曰。老爺在上。容姜尚稟明。姜尚自幼讀書守禮。豈敢違法。但此女非人。乃是妖精。近日只見妖氣貫于宮中。災星歷遍天下。小人旣在輦轂之下。感當今皇上水土之恩。除妖滅怪。蕩魔驅邪。以盡子民之志。此女實是妖怪。怎敢爲非。望老爺細察小民。方得生路。傍邊衆人齊齊跪下。老爺此等江湖術士。利口巧言。遮掩狡詐。謾惑老爺。衆人經日明明欺騙不從。逞兇打死。老爺若聽他言。可憐女子。御冤百姓。負屈。比于見衆口難調。又見子牙拿住婦人手不放。比于問曰。那姜尚婦人已死。爲何不放手。這是何說。子牙答曰。

破綻。子牙曰：陛下若要妖精現形，可取柴數擔，煉此妖精原形自現。天子傳旨，搬運柴薪，至于樓下。子牙將妖精頂上用符印鎮住原形，子牙方放了手，把女子衣裳解開，前心用符，後心用印，鎮住妖精四肢，拖在柴上，放起火來，好火，但見

濃烟籠地角，黑霧鎖天涯。積風生烈焰，赤火冒紅霞。風乃火之師，火乃風之帥。風仗火行，克火以風為害；滔滔烈火，無風不能成形。蕩蕩狂風，無火焉能取勝。風隨火勢，須臾時燎徹天關；火趁風威，頃刻間燒開地戶。金蛇串透，難逃火災之殃；烈焰圍身，大難飛來，怎躲？好似老

君扳倒煉丹爐，一塊火光連地滾。

子牙用火煉精，兩個時辰，上下渾身，不曾燒枯了。些兒紂王問亞相比干曰：朕觀烈火焚燒，兩個時辰，渾身也不焦爛，真乃妖。比干奏曰：若看此事，姜尚亦是奇人，但不知此妖終是何物作怪。王曰：卿問姜尚，此妖果是何物成精。比干下樓問子牙，子牙答曰：要此妖現真形，這也不難。子牙用三昧真火燒此妖精，不知妖精性命如何。且聽下回分解。

總批：子牙算命尚，未逢時得劉乾，這無賴來起謀。方哄動萬民，又得此琵琶精來算命，方能驚動天子。然

而劉乾妖精亦不可認作惡相識

又批

當日眾人只見女子不知是妖怪子牙見是妖怪不是女子請問今人畢竟妖怪是女子女子還是妖怪悟此是定者

此不無難真代我... 此只以玉問... 子牙曰火... 吾亦... 此火... 此火...

第十七回 紂王無道造萬盆

詩曰

萬盆極惡已滿天

宮女無辜血肉酸

媚骨已無埋玉處

芳魂猶帶穢腥羶

故園有夢空歌月

此地沉寃未息肩

怨氣漫漫天應慘

周家世業更安然

話說子牙用三昧真火燒這妖精此火非同凡火從眼鼻口中噴將出來乃是精氣神煉成三昧養就離精與凡火共成一處此妖精怎麼經得起妖精在火光中扒將起來大叫曰姜子牙我與你無冤無讐怎將三昧真火燒我紂

王聽見火裡妖精說話。嚇的汗流浹背。目瞪口呆。子牙曰。陛下請駕進樓。雷來了。子牙雙手齊放。只見霹靂交加。一聲響亮。火滅烟消。現出一面玉石琵琶來。紂王與妲己曰。此妖已現真形。妲己聽言。心如刀殺。意似油煎。暗暗叫苦。你來看我回去便罷了。又算甚麼命。今遇惡人。將你原形燒出。使我肉身何安。我不殺姜尚。誓不與匹夫俱生。妲己只得勉作笑容。啓奏曰。陛下命左右將玉石琵琶取上樓來待妾上了絲絃。早晚與陛下進御取樂。妾觀姜尚才術兩全。何不封彼在朝保駕。王曰。御妻之言甚善。天子傳旨。且將玉石琵琶取上樓來。姜尚聽朕封官。官拜下大夫。特

授司天監職。隨朝侍用。子牙謝恩。出午門外。冠帶回來。異人庄上。異人設席款待親友。俱來恭賀。飲酒數日。子牙復往都城。隨朝不表。且說妲己把玉石琵琶放于摘星樓上。採天地之靈氣。受日月之精華。已後五年。返本還元。斷送成湯天下。一日。紂王在摘星樓與妲己飲宴。酒至半酣。妲己歌舞一回。與紂王作樂。三宮妃六院宮人。齊聲喝采。曰。有七十餘名宮人。俱不喝采。陛下且有淚痕。妲己看見。停住歌舞。查是那七十餘名宮人。原是那一宮的。內有奉御宮。查得原是中宮姜娘娘侍御宮人。妲己怒曰。你主母謀逆賜死。你們反懷忿怒。久後必成宮闈之患。奏與紂王。

紂王大怒。傳旨拿下樓。俱用金瓜打死。妲己奏曰。陛下且不必將這起逆黨擊頂。暫且送下冷宮。妾有一計可除宮中大弊。奉御官將宮女送下冷宮。且說妲己奏紂王曰。將摘星樓下方圓開二十四丈。濶深五丈。陛下傳旨命都城萬民每一戶納蛇四條。都放于此坑之內。將作弊宮人。跣剝乾淨。送下坑中。喂此毒蛇。此刑名曰蠱盆。紂王曰。御妻之奇法。真可剔除宮中大弊。天子隨傳旨意。張掛各門。國法森嚴。萬民遭累。勒令限期。往龍德殿交蛇。眾民日日進于朝中。併無內外法紀。全消。朝廷失政。不止一日。眾民納蛇。都城那裡有這些蛇。俱到外縣賣蛇。交納一日。文書房

膠鬲官居上大夫。在文書房裡看天下本章。只見眾民或三兩成行。四五一處。手提筐籃。進九間大殿。大夫問執殿官。這些百姓。手提筐籃。裡面是甚麼東西。執殿官答曰。萬民交蛇。大夫大驚曰。天子要蛇何用。執殿官曰。卑職不知。大夫出文書房。到大殿。眾民見大夫叩頭。膠鬲曰。你等拿的甚麼東西。眾民曰。天子榜文張掛。各門每一戶交蛇四條。都城那裡許多蛇。俱是百里之外。買蛇交納。不知聖上那裡用。膠鬲曰。你們且去交蛇。眾民去了。大夫進文書房。不看本章。只見武成王黃飛虎。比干、微子、箕子、楊任、楊修。俱至相見禮畢。膠鬲曰。列位大人。可知天子令百姓每戶

納蛇四條。不知取此何用。黃飛虎答曰：未將昨日看操回來，見衆民言天子張掛榜文，每戶交蛇四條，紛紛不絕，俱有怨言。因此今日到此，請問列位大人，必知其詳。比干箕子曰：我等一字也不知。黃飛虎曰：列位既不知道，叫執殿官過來，你听我分付。你上心打聽天子用此物做甚麼事。若得實信，速來報我，重重賞你。執殿官領命去訖，衆官隨散不表。且說衆民又過五七日，蛇已交完，收蛇官往摘星樓回旨。奏曰：都城衆民交蛇已完。奴婢回旨。紂王問妲己曰：坑中蛇已完了，御妻何以治此妲己曰：陛下傳旨，可將前日暫寄不遊宮宮人，洗剝乾淨，用繩縛背，推下坑中喂

此蛇蝎。若無此極刑，宮中深弊難除。紂王曰：御妻所設此刑，真是除奸之要法。既以蛇完，命奉御官將不遊宮前日送下宮人，綁出推落薑盆。奉御官得旨，不一時將宮人綁至坑邊。那宮人一見蛇蝎，稱稱揚頭吐舌，惡相難看。七十名宮人一齊叫苦。那日膠鬲在文書房也爲這件事逐日打聽，只聽得一陣悲聲慘切。大夫出的文書房來，見執殿官忙忙來報，啓老爺前日天子取蛇放在大坑中，今日將七十二名宮人，洗剝入坑，喂此蛇蝎。卑職探听得實，前來報知。膠鬲聞言，心中甚是激烈，逕進內庭，過了龍德殿，進分宮樓，走至摘星樓下，只見衆宮人赤身縛背，淚流滿

面哀聲叫苦。悽慘難觀。膠鬲囁聲大叫曰。此事豈可行。膠鬲有本啓奏。紂王正要看毒蛇咬食宮人。以爲取樂。不期大夫膠鬲啓奏。紂王宣膠鬲上樓俯伏。王問曰。朕無旨意。卿有何奏章。膠鬲泣而奏曰。臣不爲別事。因見陛下橫刑慘酷。民遭荼毒。君臣睽隔。上下不相交接。宇宙已成否塞之象。今陛下又用這等非刑。宮人得其何罪。昨日臣見萬民交納蛇蝎。人人俱有怨言。今旱潦頻仍。況且買蛇白里之外。民不安生。臣聞民貧則爲盜。盜聚則生亂。況且海外烽烟。諸侯離叛。東南二處。刻無寧字。民日思亂。刀兵四起。陛下不修仁政。日行暴虐。自從盤古至今。并不曾見此刑。

爲何名。那一代君王所製。王曰。宮人作弊。無法可除。往往不息。故設此刑。名曰蠶盆。膠鬲奏曰。人之四肢。莫非皮肉。雖有貴賤之殊。總是一體。今入坑穴之中。毒蛇吞啖。苦痛傷心。陛下觀之。其心何忍。聖意何樂。况宮人皆係女子。朝夕宮中侍陛下于左右。不過役使。有何大弊。遭此慘刑。望陛下憐赦宮人。真皇上浩蕩之恩。体上天好生之德。王曰。卿之所諫。亦似有理。但肘腋之患。發不及覺。豈得以草率之刑治之。况婦寺陰謀險毒。不如此。彼未必知警耳。膠鬲厲聲言曰。君乃臣之元首。臣是君之股肱。又曰。宣聰明作元后。元后作民父母。今陛下忍心喪德。不聽臣言。妄行暴

虎罔有悛心。使天下諸侯懷怨。東伯侯無辜受戮。南伯侯
屈死朝歌。諫官盡遭炮烙。今無辜宮娥。又入薑盆。陛下只
知歡娛于深宮。信讒聽佞。荒淫酗酒。真如重疾在心。不知
何時舉發。誠所謂大癰既潰。命亦隨之。陛下不一思省。只
知縱慾敗度。不想國家何以如磐石之安。可惜先王克勤
克儉。敬天畏民。方保社稷太平。華夷率服。陛下當改惡從
善。親賢遠色。退佞進忠。庶幾宗社可保。國泰民安。生民幸
甚。臣等日夕懽心。不忍陛下淪於昏暗。黎民離心。離德禍
生。不測所謂社稷宗廟。非陛下之所有也。臣何忍深言。望
陛下以祖宗天下爲重。不得妄听女子之言。有廢忠諫之

語。萬民幸甚。紂王大怒曰。好匹夫。怎敢無知。侮謗聖君。罪
在不赦。叫左右即將此匹夫剝淨。送入薑盆。以正國法。衆
人方欲來拿。被膠鬲大唱曰。昏君無道。殺戮諫臣。此國家
大患。吾不忍見成湯數百年天下。一旦付與他人。雖死我
不瞑目。况吾官居諫議。怎入薑盆。手指紂王大罵。昏君這
等橫暴。終應西伯之言。大夫言罷。望摘星樓下一躍。撞將
下來。跌了個腦漿並流。死于非命。有詩爲証。

赤膽忠心爲國憂。

先生撞下摘星樓。

早知天數成湯滅。

可惜捐軀血水流。

話說膠鬲墜樓。粉骨碎身。紂王看見。更覺大怒。傳旨將宮

文推下蠱盆連膠鬲一齊喂了蛇蝎。可憐七十二名宮人齊聲高叫。皇天后土。我等又未爲非。遭此慘刑。姐已賤人。我等生不能食汝之肉。死後定啖汝陰魂。紂王見宮人落于坑內。餓蛇將宮人盤繞。吞咬皮膚。鑽入腹內。苦痛非常。姐已曰。若無此刑。焉得除宮中大患。紂王以手拂姐已之背。曰。喜似這等奇法。妙不可言。兩邊宮人心酸胆碎。有詩爲証。

蠱盆蛇蝎勢獍狺

宮女遭殃入此坑

一見魂飛千里外

可憐慘死勝油烹

話說紂王將宮人入于坑內。以爲美刑。姐已又奏曰。陛下

可再傳旨。將蠱盆左邊掘一池。右邊挖一沼。池中以糟丘爲山。右邊以酒爲池。糟丘山上用樹枝插滿。把肉披成薄片。掛在樹枝之上。名曰肉林。右邊將酒灌滿。名曰酒海。天子富有四海。原該享無窮富貴。此肉林酒海。非天子之尊。不得妄自尊享也。紂王曰。御妻異製奇觀。真堪玩賞。非奇思妙想。不能有此。隨傳旨依法製造。非止一日。將酒池肉林造的完全。紂王設宴。真姐已玩賞肉林酒池。正飲之間。姐已奏曰。樂聲煩厭。歌唱尋常。陛下傳旨。命宮人與宦官撲跌得勝者。池中賞酒。不勝者。乃無用之婢。侍于御前。有辱天子。可用金瓜擊頂。放于糟內。姐已奏畢。紂王無不聽。

從傳旨命宮人宦官撲跌可憐這妖孽在宮中無所不爲
宮宦遭殃傷殘民命看官他爲何事要將宮人打死人在
槽內姐已或二三更現出元形要吃槽內宮人以血食養
他妖氣惑于紂王有詩曰

懸肉爲林酒作池

紂王無道類窮奇

壘盆怨氣冲霄漢

炮烙精魂傍火炊

文武無心扶社稷

軍民有意破宮牆

將來國土何時盡

戊午旬中甲子期

話說紂王聽信姐已造酒池肉林一無忌憚朝綱不整任
意荒淫一日姐已忽然想起玉石琵琶精之恨設一計要

害于牙作一圖畫那日在摘星樓與紂王飲宴酒至半酣
姐已曰妾有一圖畫獻與陛下觀王曰取來朕看姐已
命宮人將畫又挑起紂王曰此畫又非翎毛又非走獸又
非山景又非人物上畫一臺高四丈九尺殿閣巍峩瓊樓
玉宇瑪瑙砌就欄杆明珠粧成梁棟夜現光華照耀瑞彩
名曰鹿臺姐已奏曰陛下萬聖至尊貴爲天子富有四海
若不造此臺不足以壯觀瞻此臺真是瑤池玉闕閬苑蓬
萊陛下早晚宴于臺上自有仙人仙女下降陛下得與真
仙遨遊延年益壽祿算無窮陛下與妾共叨福庇永享人
間富貴也王曰此臺功成浩大命何官督造姐已奏曰此

工須得才藝精巧。聰明睿智。深識陰陽。洞曉生克。以妾觀之。非下大夫姜尚不可。紂王聞言。卽傳旨宣下大夫姜尚。使臣往比干府。宣召姜尚。比干慌忙接旨。使臣曰。旨意乃是宣下大夫姜尚。子牙卽忙接旨。謝恩曰。天使大人可先到午門。卑職就至。使臣去了。子牙暗起一課。早知今日之危。子牙對比干謝曰。姜尚荷蒙大德。提携並早晚指教之恩。不期今日相別。此恩此德。不知何時可報。比干曰。先生何故出此言。子牙曰。尚占運命。主今日不好。有害無利。有無吉。比干曰。先生又非諫官。在位況且不久。面君以順。何害之有。子牙曰。尚有一柬帖。壓在書房硯臺之下。

但丞相有大難。臨身無處解釋。可觀此柬。庶幾可脫其危。乃卑職報丞相消涯之萬一耳。從今一別。不知何日能再覩尊顏。子牙作辭。比干着實不忍。先生果有災。迺待吾進朝。而君可保先生無虞。子牙曰。數已如此。不必動勞。反累其事。比干相送。子牙出相府。上馬來到午門。逕至摘星樓。候旨。奉御官宣上。摘星樓見駕畢。王曰。卿與朕代勞。起造鹿臺。俟功成之日。加祿增官。朕決不食言。圖樣在此。子牙一看。高四丈九尺。上造瓊樓玉宇。殿閣重簷。瑪瑙砌就欄杆。寶石粧成椽棟。子牙看罷。暗想朝歌非吾久居之地。且將言語感悟這昏君。昏君必定不聽。發怒我就此脫身。隱

了何為不可畢竟不知子牙凶言如何且聽下回分解
總批一蠶益慘惡。毒極千古真令人神共怒則焚屍懸首

不足以盡其辜而姐已亦當服此極刑可惜止戮
首黃街至今猶令人不平

又批

婦人陰物也美婦陰之極者也惟陰最毒惟陰之
極者為極毒姐已美婦也故所鍾之毒已極而設
施慘惡亦極其毒或曰然則醜婦乃得陰之輕者
乎子曰無鹽東施自是榜樣然則今人又極喜美
色者何多也子曰自古及今你見幾曾做出好事
來

第十八回

子牙諫王隱蟠溪

詩曰

渭水潺潺日夜流

子牙從此獨垂鈎

當時未入飛熊夢

幾向斜陽嘆白頭

話說子牙看罷圖樣王曰此臺多少日期方可完得此工

尚奏曰此臺高四丈九尺造瓊樓玉宇碧檻雕欄工成浩

大若完臺工非三十五年不得完成紂王聞奏對姐已曰

御妻姜尚奏朕臺工要三十五年方成朕想光陰瞬息歲

月如流年少可以行樂若是如此人生幾何安能長在造

此臺實為無益如已奏曰姜尚乃方外術士總以一派誣

言那有三十五年完工之理。狂悖欺王。罪當炮烙。紂王曰。御妻之言是也。傳奉官可與朕拿姜尚炮烙。以正國法。子牙曰。臣啓陛下。鹿臺之工。勞民傷財。愿陛下且息此念頭。切爲不可。今四方刀兵亂起。水旱頻仍。府庫空虛。民生日促。陛下不留心邦本。與百姓養和平之福。日荒淫於酒色。遠賢近佞。荒亂國政。殺害忠良。民怨天愁。累世警報。陛下全不修省。今又聽狐媚之言。妄興土木。陷害萬民。臣不知陛下之所終矣。臣受陛下知遇之恩。不得不赤胆披肝。冒死上陳。如不聽臣言。又見昔日造瓊宮之故事耳。可憐社稷生民。不久爲他人之所有。臣何忍坐視而不言。紂王聞

言大罵匹夫。焉敢誦謗天子。令兩邊承奉官與朕拿下醜尸。壅粉以正國法。衆人方欲向前。子牙抽身望樓下飛跑。紂王一見且怒且咲。御妻你看這老匹夫。聽見拿之一字。就跑了禮節法度。全然不知那有一個跑了的傳旨命奉御官。拿來衆官趕子牙。過了龍德殿九間殿。子牙至九龍橋。只見衆官趕來甚急。子牙曰。承奉官不必趕我。莫非一死而已。按着九龍橋欄杆。望下一攬。把水打了一個窟窿。衆官急上橋看。水星兒也不冒一個。不知子牙借水遁去了。承奉官往摘星樓回旨。王曰。好了。這老匹夫且不表。紂王話說子牙投水橋下。有四員執殿官扶着欄杆看水。嗟

嘆適有上大夫楊任進午門見橋邊有執殿官伏着望水。楊任問曰你等在此看甚麼。執殿官曰啓老爺下大夫姜尚投水而死。楊任曰爲何事。執殿官答曰不知。楊任進文書房看本章不提。且說紂王與妲己議鹿臺。差那一員官監造。妲己奏曰若造此臺非崇侯虎不能成功。紂王准行。差承奉宣崇侯虎。承奉得旨出九間殿往文書房來見楊任。楊任問曰下大夫姜子牙何事忤君自投水而死。承奉答曰天子命姜尚造鹿臺。姜尚奏事忤旨因命承奉拿他。他跑至此投水而死。今詔崇侯虎督工。楊任問曰何爲鹿臺。承奉答曰蘇娘娘獻的圖樣高四丈九尺上造瓊樓玉

宇殿閣重簷瑪瑙砌就欄杆珠玉粧成樑棟。今命崇侯虎監造。卑職見天子所行皆桀王之道。不忍社稷坵墟。特來見大夫大人秉忠諫。土木之工救萬民搬泥運土之苦。免商賈有陷血本之殃。此大夫愛育天下生民之心。可播揚於世。世矣。楊任聽罷謂承奉曰你且將此詔停止。待吾進見聖上再爲施行。楊任逕往摘星樓下候旨。紂王宣楊任上樓見駕。王曰卿有何奏章。楊任奏曰臣聞治天下之道。君明臣直言。聽計從爲師。保是用忠良。是親奸佞。日遠和外國。順民心。功賞罪罰。莫不得當。則四海順從。八方仰德。仁政施于人。則天下景從。民民樂業。此乃聖主之所爲。

今陛下信后妃之言而忠言不聽。建造鹿臺。陛下只知行樂。懽娛歌舞宴賞。作一己之樂。致萬姓之愁。臣恐陛下不能享此樂。而先有腹心之患矣。陛下若不急爲整飭。臣恐陛下之患不可得而治之矣。主上三害在外。一害在內。陛下聽臣言。其外三害。一害者。東伯侯姜文煥。雄兵百萬。欲報父仇。游魂關兵無寧息。屢折軍威。苦戰三年。錢糧盡費。糧草日艱。此爲一害。二害者。南伯侯鄂順。爲陛下無辜殺其父親。大勢人馬晝夜攻取三山關。鄧九公亦是苦戰多年。庫藏空虛。軍民失望。此爲二害。三害者。况聞太師遠征北海。大敵十有餘年。今且未能返國。勝敗未分。凶吉未定。

陛下何苦聽信讒言。殺戮正士。狐媚偏於信從。讒言致之不問。小人日近于君前。君子日聞于退避。宮幃竟無內外。貂璫紊亂深宮。三害荒荒。八方作亂。陛下不容諫官有阻。忠耿。今又起無端造作。廣施土木。不惟社稷不能奠安。宗廟不能磐石。臣不忍朝歌百姓受此塗炭。愿陛下速止臺工。民心樂業。庶可救其萬一。不然。民一離心。則萬民荒亂。古云。民亂則國破。國破主君亡。只可惜六百年以定華夷。一旦被他人所虜矣。紂王听罷。大罵匹夫。把筆書生。焉敢無知。直言犯主。命奉御官將此匹夫。拖去。二目朕念前歲有功。姑恕他一次。楊任復奏曰。臣雖捱目不辭。只怕天下

諸侯有不忍臣之挽目之苦也。奉御官把楊任攙下樓。一聲响。挽二目。獻上樓來。且說楊任忠肝義胆。實爲紂王。雖挽二目。忠心不滅。一道怨氣。直冲在青峰山。紫陽洞。青虛道德真君。面前真君早解其意。命黃金力士。可救楊任。回山。力士奉旨。至摘星樓下。用三陣神風。異香遍滿。摘星樓下。地播起塵土。揚起沙灰。一聲响。楊任尸骸。竟不見了。紂王急往樓內。避其沙土。不一時。風息沙平。兩邊啓奏。紂王曰。楊任尸首。風刮不見了。紂王嘆曰。似前番朕斬太子也。被風刮去。似此等事。皆係常事。不足怪也。紂王謂妲己曰。鹿臺之功。已詔候虎。楊任諫朕。自取其禍。速詔崇候虎侍。

駕官催詔去了。且說楊任的尸首。被力士攝上紫陽洞。回真君法旨。道德真君出洞來。命白雲童兒。葫蘆中取二粒仙丹。將楊任眼眶裡放二粒仙丹。真人用先天真氣。吹在楊任面上。喝聲。楊任不起。更待何時。真是仙家妙術。起死回生。只見楊任眼眶裡。長出兩隻手來。手心裡生兩隻眼睛。此眼上看天庭。下觀地穴。中識人間萬事。楊任立起半响。定省見自己。目化奇形。見一道人。立在山洞前。楊任問曰。道長。此處莫非幽冥地界。真君曰。非也。此處乃青峰山。紫陽洞。貧道是煉氣士。青虛道德真君。因見子有忠心。赤胆直諫。紂王憐救萬民。身遭挽目之災。貧道憐你陽壽不

絕度你上山。後輔周王。成其正道。楊任聽罷。拜謝曰。弟子蒙真君憐救。指引還生。再見人世。此恩此德。何敢有忘。望真君不棄。願拜爲師。楊任就在青峰山居住。後只待破瘟黃陣下山。助子牙成功。有詩曰。

大夫直諫犯非刑。

掩目傷心不忍聽。

不是真君施妙術。

焉能兩眼察天庭。

不說楊任居此安身。且說紂王詔崇侯虎督造鹿臺。此臺功成浩瀚。要動無限錢糧。無限人夫。搬運木植泥土磚瓦。絡繹之苦。不可勝計。各州府縣軍民三丁抽二。獨丁赴役。有錢者買閑在家。無錢者任勞累死。萬民驚恐。日夜不安。

男女慌慌。軍民嗟怨。家家閉戶。逃奔四方。崇侯虎仗勢虐民。可憐老少累死。不計其數。皆填鹿臺之內。朝歌變亂。逃亡者甚多。不表。候虎監督臺工。且說子牙借水遁回。到宋異人庄上。馬氏接住。恭喜大夫。今日回家。子牙曰。我如今不做官了。馬氏大驚。爲何事來。子牙曰。天子聽妲己之言。起造鹿臺。命我督工。我不忍萬民遭殃。黎庶有難。是我上一本。天子不行。被我直諫。聖上大怒。把我罷職歸田。我想紂王非吾之主。娘子我同你往西岐去。守時候。命我一日時來。運至官居顯爵。一品當朝人臣第一。方不負吾心中實學。馬氏曰。你又不是文家出身。不過是江湖一術士。天

幸做了下大夫。感天子之德不淺。今命你造臺。乃看顧你。監工。况錢糧既多。你不管甚東西也賺他些回來。你多大官也。上本諫言。還是你無福。只是個術士的命。子牙曰。娘子你放心。是這樣官。未展我胸中才學。難遂我平生之志。你且收拾行裝。打點同我往西岐去。不日官居一品位。列公卿。你授一品夫人。身着霞珮。頭帶珠冠。榮耀西岐。不枉我出仕一番。馬氏咲曰。子牙你說的。是失時話。現成官。你沒福做。到去空拳隻手。去別處尋。這不是折得你。苦思亂想。走投無路。拾近求遠。尚望官居一品。天子命你監造臺。工。明明看顧你。你做的是那裡清官。如今多少大小官員。

隨時而已。子牙曰。你女人家。不知遠大。天數有定。遲早有期。各自有主。你與我同到西岐。自有下落。一日時來。富貴自是不淺。馬氏曰。姜子牙。我和你緣分夫妻。只到的如此。我生長朝歌。決不往他鄉外國去。從今說過。你行你的。我幹我的。再無他說。子牙曰。娘子此言錯說了。嫁鷄怎不逐雞飛。夫妻豈可分離之理。馬氏曰。妾身原是朝歌女子。那裡去離鄉背井。子牙你從實些。寫一紙休書。與我各自投生。我決不去。子牙曰。娘子隨我去好。一日身榮無邊富貴。馬氏曰。我的命只合如此。也受不起大福分。你自去做一品顯官。我在此受些窮苦。你再娶一房有福的夫人。

罷子牙曰。你不要後悔。馬氏曰。是我造化低。決不後悔。子牙點頭嘆曰。你小看了我。既嫁與我爲妻。怎不隨我去。必定要你同行。馬氏大怒。姜子牙你好就與你好開交。如要不肯。我與父兄說知。同你進朝歌見天子也。講一個明白。夫妻二人正在此鬪口。有宋異人同妻孫氏來勸。子牙曰。賢弟當時這一件事。是我作的。弟婦既不同你去。就寫一字與他賢弟。乃奇男子。豈無佳配。何必苦苦留戀他。常言道。心去意難留。勉強終非是好結果。子牙曰。長兄嫂在上。馬氏隨我一場。不曾受用一些。我心不忍離他。他倒有離我之心。長兄分付。我就寫休書與他。子牙寫了休書。拿在

手中。娘子書在我手中。夫妻還是團圓的。你接了此書。再不能完聚了。馬氏伸手接書。全無半毫顧戀之心。子牙嘆曰。青竹蛇兒口。黃蜂尾上針。兩般由自可。最毒婦人心。馬氏收拾回家。改節去了。不題。子牙打點起行。作辭宋異人。嫂嫂孫氏。姜尚蒙兄嫂看顧。提携不期有今日之別。異人治酒與子牙餞行。飲罷。遠送一程。因問曰。賢弟往那裡去。子牙曰。小弟別兄往西岐。做些事業。異人曰。倘賢弟得意時。可寄一音。使我也放心。二人洒泪而別。

異人送別在長途。兩下分離心思孤。
只爲金蘭恩義重。几回搔首意蜘蹰。

話說子牙離了宋家庄。取路往孟津。過了黃河。徑往澠池縣。往臨潼關來。只見一起朝歌奔逃百姓。有七八百黎民。父携子哭。弟爲兄悲。夫妻泪落。男女悲哭之聲。紛紛載道。子牙見而問曰。你們是朝歌的民。內中也有人認的是姜子牙。眾民叫曰。姜老爺。我等是朝歌民。因爲紂王起造鹿臺。命崇侯虎監督。那天殺的好臣。三丁抽二。獨丁赴役。有錢者買閹在家。累死數萬人。夫屍填鹿臺之下。晝夜無息。我等經不得這等苦楚。故此逃出五關。不期總兵張老爺不放我們出關。若是拿將回去。死于非命。故此傷心啼哭。子牙曰。你們不必如此。待我去見張總兵。替你們說個人

情。放你們出關。眾人謝曰。這是老爺天恩。普施甘露。枯骨重生。子牙把行囊與眾人看守。獨自前往張總兵府來。眾人問曰。那裡來的。子牙曰。煩你通報商都下大夫姜尚來。拜你總兵。門上人來報。啓老爺。商都下大夫姜尚來拜張鳳。想下大夫姜尚來拜他。是文官。我乃武官。他近朝廷。我居關隘。百事有煩他。急命左右請進。子牙道家打扮。不曾公服。逕往裡面見張鳳。鳳一見子牙道服而來。便坐而問曰。來者何人。子牙曰。吾乃下大夫姜尚是也。鳳問曰。大夫爲何道服而來。子牙答曰。卑職此來。不爲別事。單爲眾民苦切。天子不明。所妲己之言。廣施土木之功。興造鹿臺。命

崇侯虎督工。豈意彼陷虐萬民。貪圖賄賂。罔惜民力。况四方兵未息。肩上天示儆。水旱不均。民不聊生。天下失望。黎庶遭殃。可憐死累軍民。填于臺內。荒淫無度。奸臣蠱惑天子。狐媚巧閉聖聰。命吾督造鹿臺。我怎肯欺君誤國。害民傷財。因此直諫。天子不听。反欲加刑于我。我本當以一死。以報爵祿之恩。奈尚天數未盡。蒙恩赦宥。放歸故鄉。因此行到貴治。偶見許多百姓。携男拽女。扶老攬幼。悲號苦楚。甚是傷情。如若執回。又懼炮烙。薑盆。捺刑惡法。殘缺肢体。骨粉魂消。可憐民死無辜。怨死懷屈。今尚觀之心。寔可慘。故不辭愧面。奉謁台顏。懇求明賜。衆民出關。黎庶從死而之。

生將軍真天高海濶之恩。實上天好生之德。張鳳所罷。大怒言曰。汝乃江湖術士。一旦富貴。不思報本于君恩。反以巧言而惑我。况逃民不忠。若听汝言。亦陷我以不義。我受命執掌閔隘。自宜盡臣子之節。逃民玩法。不守國規。宜當拿解于朝歌。自思只是不放過此閔。彼自然回國。我已自存一綫之生路矣。若論國法。連汝例解回朝。以正國典。奈吾初會暫且姑免。喝兩邊把姜尚。又將出去。衆人一聲喝。把子牙推將出來。子牙滿面羞愧。衆民見子牙回來。問曰。姜老爺。張老爺可放我等出關。子牙曰。張總兵連我也。要拿進朝歌城去。是我說過了。衆人聽罷。齊聲叫苦。七八百

黎民號陶痛哭。哀聲徹野。子牙看見不忍。子牙曰：你們眾民不必啼哭。我送你們出五閔去。有等不知事的黎民，聞知此語，只說寬慰他。乃曰：老爺也出不去，怎生救我們？內中有知道的，哀求曰：老爺若肯救拔，便是再生之恩。子牙道：你們要出五閔者，到黃昏時候，我叫你等閉眼。你等就閉眼。若所得耳內風响，不要睜眼。若開了眼，時時跌出腦子來，不要怨我。眾人應成了。子牙到一更時候，望崑崙山拜罷，口中念念有詞，一聲响。這一會子牙上遁，救出萬民。眾人只听的風聲颯颯，不一會四百里之程，出了臨潼關，撞開穿雲閣，介牌關，汜水關，到金鷄嶺。子牙收了上遁，眾民

落地。子牙曰：眾人開眼。眾人睜開了眼。子牙曰：此處就是汜水關外金鷄嶺，乃西岐州地方。你們好好去罷。眾人叩頭謝曰：老爺天垂甘露，普救羣生。此恩此德，何日能報。眾人拜別不題。且說子牙往磻溪隱居，有詩為証。

棄却朝歌遠市塵。

法施土遁救民生。

閑居渭水垂竿待。

只等風雲際會緣。

武吉災殃為引道。

飛熊仁兆主求賢。

八十纔逢明聖主。

方立周朝八百年。

話說眾民等待天明，果是西岐地界。過了金鷄嶺，便是首陽山。走過燕山，又過了白柳村，前至西岐山，過了七十里。

至西岐城衆民進城觀看景物民豐物阜行人讓路老幼不欺市井謙和真乃堯天舜日別是一番風景衆民作一手本投遞上大夫府散宜生接看手本翌日伯邑考傳命既朝歌逃民因紂王失政既歸吾土無妻者給銀與他娶妻又與銀子令衆人做居安處樂寡孤獨者在三濟倉造名自領口糧宜生領命邑考曰父王囚羑里七年孤欲白往朝歌代父贖罪不知卿等意下如何散宜生奏曰臣啓公子主公臨別之言七年之厄已滿災完難足自然歸國不得造次有違主公臨別之言如公子於心不安可差一卒前去問安亦不失爲子之道何必自馳鞍馬身臨險

地哉伯邑考嘆曰父王有難七載禁于異鄉舉目無親爲人子者於心何忍所謂立國立家徒爲虛設要我等九十九子何用我自帶祖遺三件寶貝往朝歌進貢以贖父罪伯邑考此去不知吉凶如何且聽下回分解

總批 紂王用刑極慘良心喪盡其欲不忘其德亦無是理况荒淫無度土木煩興荼毒生靈天愁民怨雖有善人無復能爲之矣况逆諫殺忠黃耆去國乎所以自古無道之君必首稱桀紂其來信有自也

又批

子牙乃一代偉人封侯拜將開周家八百年元勳

何等力量。而不能無兒女子之態。觀其與馬氏留戀。代逃民求釋。都是可笑事。多此無限轉折。其然豈其然也。

又批

婦人見識。是極小的。原不可責備他。况無限鬚眉男子。也不知錯認了多少英雄豪傑。何嘗與塵埃中。識得天子宰相。具此質者。幸為亮之。

第十九回

伯邑考進貢贖罪

詩曰

忠臣孝子死無辜。

只為殷商有怪狐。

淫亂不差先薦恥。

貞誠豈畏後來誅。

寧甘萬刃雷青白。

不受千嬌學獨夫。

史册不污千載恨。

令人屈指淚如珠。

話說伯邑考要往朝歌。為父贖罪。時有上大夫散宜生阻諫。公子立意不允。隨進宮辭母太姬。要往朝歌贖罪。太姬曰。汝父被羈美里。西岐內外事。托付何人。考曰。內事托與兄弟。姬發。外事托付與散宜生。軍務托付南宮适。孩兒親

往朝歌面君。以進貢爲名。請贖父罪。母親見伯邑考堅執要去。只得依允。分付曰。孩兒此去。須要小心。邑考辭出。竟到殿前。與弟姬發言曰。兄弟好生與衆兄弟和美。不可改西岐規矩。我此去朝歌。多則三月。少則二月。即便回程。邑考分付畢。收拾寶物進貢。擇日起行。姬發同文武九十八弟。在十里長亭餞別。邑考與衆人飲酒作辭。一路前行。揚鞭縱馬。過了些紅杏芳林。行無限柳陰古道。伯邑考與從人。一日行至汜水關。關上軍兵見兩杆進貢旛幢。上書西伯侯旗號。軍官來報主帥。守關總兵韓榮。命開關。邑考進關。一路無辭。行過五關。來到滎池縣。渡黃河。至孟津。進了

朝歌城。皇華館驛安下。次日問驛丞。丞相府住往那裡。驛丞答曰。在太平街。次日邑考來至午門。并不見一員官走動。又不敢擅入午門。往返五日。邑考素縞抱本。立于午門外。少時只見一位大臣騎馬而至。乃亞相比干也。伯邑考向前跪下。比干問曰。皆下跪者何人。邑考答曰。吾乃犯臣姬昌子伯邑考。比干問言。滾鞍下馬。以手相扶。口稱賢公子。請起。二人立在午門外。比干問曰。公子爲何事至此。邑考答曰。父親得罪于天子。蒙丞相保護。得全性命。此恩真天高地厚。愚父子弟兄。銘刻難忘。只因七載光陰。父親久羈羑里。人子何以得安。想天子必思念舊良。豈肯甘爲魚

肉。邑考與散宜生共議將祖遺鎮國異寶進納王廷。代父贖罪。萬望丞相開天地仁慈之心。憐姬昌久羈羑里之苦。倘蒙賜骸骨得歸故土。真恩如太山。德如淵海。西岐萬姓無不感念丞相之大恩也。比干答曰：公子納貢，乃是何寶？伯邑考曰：自始祖亶父所遺七香車。醒酒醴，白面猿猴，美女十名，代父贖罪。比干曰：七香車有何貴乎？邑考答曰：七香車乃軒轅皇帝破蚩尤于北海，遺下此車。若人坐上面，不用推引，欲東則東，欲西則西，乃傳世之寶也。醒酒醴，倘人醉醱，酌臥此醴上，不消時刻，即醒。白面猿猴，雖是畜類，善知三千小曲，八百大曲，能謳筵前之歌，善為掌上之舞。

真如嘒嘒鶯篁，弱柳。比干所罷此室，雖妙。今天子失德，又以遊戲之物進貢，正是助桀為虐，熒惑聖聰，反加朝廷之亂，無奈公子為父羈囚，行其仁孝，一點真心，此本我替公子轉達天听，不負公子來意耳。比干往摘星樓下候旨，奉御官啓奏亞相比干見駕。紂王曰：宣比干上樓。比干上樓朝見，王曰：朕無旨宣召，卿有何表章？比干奏曰：臣啓陛下，西伯侯姬昌子伯邑考納貢代父贖罪。王曰：伯邑考納進何物？比干將進貢本呈上帝覽畢，問比干曰：七香車醒酒醴，白面猿猴，美女十名，代西伯贖罪。紂王命宣邑考上樓。邑考肘膝而行，俯伏奏曰：犯官子伯邑考朝見。紂王

曰姬昌罪大忤君。今子納貢。爲父贖罪。亦可爲孝矣。伯邑考奏曰。犯臣姬昌。罪犯忤君。赦宥免死。暫羈羑里。臣等舉室感陛下天高海濶之洪恩。仰地厚山高之大德。今臣等不揣愚陋。昧死上陳。請代父罪。倘荷仁慈。賜以再生。得赦歸國。使臣母子等骨肉重完。臣等萬載瞻仰陛下好生之德。出於意外也。紂王見邑考悲慘。爲父陳寃。極其懇至。知是忠臣孝子之言。不勝感動。乃賜邑考平身。邑考謝恩。立于欄干之外。妲己在簾內見邑考丰姿都雅。目秀眉清。唇紅齒白。言語溫柔。妲己傳旨。捲去珠簾。左右宮人將珠簾高捲。搭上金鈎。紂王見妲己出來。口稱御妻。今有西伯侯

之子伯邑考。納貢代父贖罪。情實可矜。妲己奏曰。妾聞西岐伯邑考。善能鼓琴。真世上無雙。人間絕少。紂王曰。御妻何以知之。妲己曰。妾雖女流。幼在深閨。聞父母傳說。邑考博通音律。鼓琴更精。深知大雅遺音。妾所以得知。陛下可着邑考撫彈一曲。便知深淺。紂王乃酒色之徒。久被妖氛所惑。一听其言。便命伯邑考叩見妲己。邑考朝拜畢。妲己曰。伯邑考。聞你善能鼓琴。你今試撫一曲。何如。邑考奏曰。娘娘在上。臣聞父母有疾。爲人子者。不敢舒衣安食。今犯臣父七載羈囚。苦楚萬狀。臣何忍蔑視其父。自爲喜悅而鼓琴哉。况臣心碎如麻。安能宮商節奏。有辱聖總。紂王曰。

邑考你當此景。撫操一曲。如果稀奇。教你父子歸國。邑考
所見此言大喜。謝恩。紂王傳旨。取琴一張。邑考盤膝坐在
地上。將琴放在膝上。十指尖尖。撥動琴弦。撫弄一曲。名曰
風入松。

楊柳依依弄曉風。

桃花半吐映日紅。

芳草綿綿鋪錦繡。

任他車馬各西東。

邑考彈至曲終。只見音韻幽揚。真如曼玉鳴球。萬壑松濤。
清婉欲絕。令人塵襟頓爽。恍如身在瑤池鳳闕。而笙篁簫
管。檀板謳歌。覺俗氣逼人耳。誠所謂此曲祇應天上有人
間能得几回聞。紂王听罷。心中大悅。對妲己曰。真不負御

妻所聞。邑考此曲可稱盡善盡美。妲己奏曰。伯邑考之琴。
天下共聞。今親觀其人。所聞未盡所見。紂王大喜。傳旨。摘
星樓排宴。妲己偷睛看邑考。面如滿月。丰姿俊雅。一表非
俗。其風情。娘娘動人。妲己又看紂王。容貌大是暗昧。不甚
動人。看觀紂王。雖是帝王之相。怎經色慾相虧。形容枯槁。
自古佳人愛少年。何況妲己。乃一妖魅乎。妲己暗思。且將
邑考留在此處。假說傳琴。乘機挑逗。庶幾成就鸞鳳。共效
于飛之樂。况他少年。其為補益更多。而拘拘於此老哉。妲
己設計欲留邑考。隨即奏曰。陛下當赦西伯父子歸國。因
是陛下浩蕩之恩。但邑考琴為天下絕調。今赦之歸國。朝

歌竟爲絕響。深爲可惜。紂王曰：如之奈何？妲己奏曰：妾有一法，可全二事。紂王曰：卿有何妙策？可以兩全？妲己曰：陛下可留邑考在此，傳妾之琴，俟妾學精熟，早晚侍陛下左右，以助皇上清暇一樂。一則西伯父子感陛下赦宥之恩，二則朝歌不致絕，瑤琴之樂庶幾可以兩全。紂王聞言，以手拍妲己之背曰：賢哉愛卿，真是聰慧賢明，深得一舉兩全之道。隨傳旨留邑考在此，樓傳琴。妲己不覺暗喜。我如今且將紂王灌醉了，扶去濃睡，我自好與彼行事。何愁此事不成？忙傳旨排宴。紂王以爲妲己好意，豈知內藏傷風敗俗之情。大壞綱常禮義之防。妲己手奉金盃，對紂王曰：

陛下進此壽酒，紂王以爲美愛，只顧歡飲，不覺一時酩酊。妲己命左右侍御宮人扶皇上龍榻安寢。方着邑考傳琴。兩邊宮人取琴二張，上一張是妲己，下一張是伯邑考。傳琴。邑考奏曰：犯臣子啓娘娘，此琴有內外五形、六律、五音、吟、揉、勾、剔、左手龍睛、右手鳳目、按宮商角徵羽，右有八法，乃抹、挑、勾、剔、撇、托、剗、打，有六忌、七不彈。妲己問曰：何爲六忌？邑考曰：聞哀慟泣、專心事、忿怒情懷、戒慾驚。妲己又問：何爲七不彈？邑考曰：疾風驟雨、大悲大哀、衣冠不正、酒醉性狂、無香近藝、不知音近俗、不潔近穢。遇此皆不彈也。此琴乃太古遺音，樂而近雅，與諸樂大不相同。其中有八十

一大調五十一小調三十六等音有詩為証

音和平今清心自世上琴聲天上曲

盡將千古聖人心付與三尺梧桐木

邑考言畢將琴撥動其音嘹亮妙不可言且說妲己原非為傳琴之故實為貪邑考之姿容挑逗邑考欲效于飛縱淫敗度何嘗留心于琴只是左右勾引故將臉上桃花現嬌艷天姿風流國色轉秋波送嬌滴滴情懷啓朱唇吐軟温温悄語無非欲動邑考以惑亂其心邑考乃聖人之子因為父受羈囚之厄欲行孝道故不辭涉水之勞往朝歌進貢代贖父罪指望父子同還故都那有此意雖是傳琴

心如鐵石意若堅剛眼不傍觀一心只顧傳琴妲己兩番三次勾邑考不動妲己曰此琴一時難明分付左右且排上宴來兩邊隨辦上宴來妲己命席傍設坐令邑考侍宴邑考魂不附體跪而奏曰邑考乃犯臣之子荷蒙娘娘不殺之恩賜以再生之路感聖德真如山海娘娘乃萬乘之尊人間國母邑考怎敢側坐臣當萬死邑考俯伏不敢抬頭妲己曰邑考之言差矣若論臣子其然坐不得若論傳琴乃是師徒之道坐而何妨信邑考聞妲己之言暗暗切齒這賤人把我當做不忠不孝不仁非禮非義不智不良之類想吾始祖亶父在商為臣官居司農之職相傳

此深屬兒戲。成何體統。使此事一聞於外。雖娘娘水清玉潔。而天下萬世。又何信哉。娘娘請無性急。使傍觀若有辱于至尊也。就把姐已羞氣。徹耳通紅。無言可對。隨傳旨命伯邑考暫退。邑考下樓。回館驛不題。且說姐已深恨這等匹夫。輕人如此。我本將心托明月。誰知明月照溝渠。反被他羞辱一場。管教你粉骨碎身。方消吾恨。姐已只得陪紂王安寢。次日天明。紂王問姐已曰。夜來伯邑考傳琴。可曾精熟。姐已枕邊挑剔。乘機諧曰。妾身啓陛下。夜來伯邑考無心傳琴。反起不良之念。將言調戲。甚無人臣禮。妾身不得不奏。紂王聞言大怒曰。這匹夫焉敢如此。隨卽起來。整

飭用饜傳旨宣伯邑考。邑考在館驛聞命。卽至摘星樓下候旨。王命宣上樓來。邑考上樓叩拜在地。王曰。昨日傳琴爲何不盡心相傳。反迂延時刻。這是何說。邑考奏曰。學琴之事。要在心堅意誠。方能精熟。姐已在傍言曰。琴中之法無他。若仔細分明講的斟酌。豈有不精熟之理。只你傳習不明。講論糊塗。如何得臻其音律之妙。紂王聽姐已之言。夜來之事不好明言。隨命邑考再撫一曲。與朕親聽。看是如何。邑考受命。膝地而坐。撫弄琴。思不若於琴中寓以諷諫之意。乃嘆紂王一詞曰。

一點忠心達上蒼

祝君壽算永無疆

風和雨順當今

一統山河國祚長

紂王靜聽琴內之音。俱是忠心愛國之意。併無半點欺謗之言。將何罪於邑考。妲己見紂王無有加罪之心。以言挑之曰。伯邑考前進白面猿猴。善能歌唱。陛下可曾聽其歌唱否。紂王曰。夜來聽琴有悞。未曾演習。今日命邑考進上樓來。以試一曲。如何。邑考領旨到館驛。將猿猴進上摘星樓。開了紅籠。放出猿猴。邑考將檀板遞與白猿。白猿輕敲檀板。婉轉歌喉。音若笙簧。滿樓嘹唳。高一聲如鳳鳴之音。低一聲似鸞啼之美。愁人聽而舒眉。歡人聽而撫掌。泣人聽而止淚。明人聽而如痴。紂王聞之。顛倒情懷。妲己聽之。

方心如醉。宮人聽之。爲之。有那猿猴只唱的神仙着意。嫦娥側耳。就把妲己唱得神蕩意迷。情飛心逸。如醉如痴。不能檢束自己形體。將原形都唱出來了。這白猴乃千年得道之猿。修的十二重樓。橫骨俱無。故此善能歌唱。又修成火眼金睛。善看人間妖魅。妲己原形現出。白猿看見上面有個狐狸。不知狐狸乃妲己。不相白猿。雖是得道之物。終是一個畜類。此猿將檀板擲于地下。鬲九龍侍席上一。攛劈面來抓妲己。妲己往後一閃。早被紂王一拳。將白猿打跌在地。遂死于地。眾宮人扶起妲己。曰。伯邑考明進猿猴。暗爲行刺。若非陛下之恩相救。妾命休矣。紂王

大怒喝左右將伯邑考拿下送八蠶盆兩邊侍御官將邑考拿下。邑考囑聲大叫冤枉。紂王聽邑考口稱冤枉。命且放回。紂王問曰：你這匹夫，白猿行刺，衆目所視，爲何強辨？口稱冤枉何也？邑考泣奏曰：猿猴乃山中之畜，雖修人語，野性未退。況猴子善喜菓品，不用烟火之物。今見陛下九龍侍席之上，百般菓品，心中急欲取菓物，便棄檀板而掠酒席，且猿猴手無寸刃，焉能行刺？臣伯邑考世受陛下洪恩，焉敢造次。愿陛下究察其情。臣雖寸磔，死亦瞑目。紂王聽邑考之言，暗思多時，轉怒爲喜，言曰：御妻邑考之言是也。猿猴乃山中之物，終是野性，況無刃，豈能行刺。

隨赦邑考，邑考謝恩。妲己曰：既赦邑考無罪，你再將瑤琴撫弄一奇詞異調。琴內果有忠良之心，便罷；若有傾葵之語，決不赦饒。紂王曰：御妻之言甚善。邑考聽妲己之奏，暗想這一番諒，不能脫其圈套，就將此殘軀以爲直諫，就死萬刃之下，畱之史冊也。見我姬姓累世不失忠良，邑考領旨坐地，就于膝上撫弄一曲。詞曰：

明君作兮布德行仁，未聞忍心兮重斂煩刑。炮烙熾兮，筋骨粉蠶盆慘兮，肺腑驚萬姓精血，竟入酒海四方膏脂。盡懸肉林，機舒空兮，鹿臺才滿，犁鋤折兮，鉅橋粟盈。我願明君兮去讒逐淫，振刷綱紀兮天下太平。

邑考撫罷紂王不明其音。妲己妖魅聽得琴中之音，有毀
謗君上之言。妲己以手指之，考罵曰：「大膽匹夫，敢與琴中
暗寓毀謗之言，辱君罵主，情殊可恨。真是刁惡之徒，罪不
容誅。」紂王問妲己曰：「琴中豈謗朕尚不明？」妲己將琴中之
意細說一番。紂王大怒，喝左右來拿邑考。奏曰：「臣還有結
句一段，試撫於陛下聽完。」詞曰：
願王遠色兮再正綱常，天下太平兮速廢娘娘。妖氛滅
兮諸侯悅服，却邪淫兮社稷寧康。陷邑考兮不堪萬死，
絕妲己兮史氏傳揚。
邑考作歌已畢，回手將琴隔侍席打來，只打得盤碟紛飛。

妲己將身一閃，跌倒在地。紂王大怒曰：「好匹夫，猿猴行刺，
被你巧言說過，你將琴擊皇后，分明弑逆，罪不容誅。」喝左
右侍駕官將邑考拿下，摘星樓送入薑盆。眾宮人扶起妲
己，奏曰：「陛下且將邑考拿下樓去，妾身自有處治。」紂王隨
聽妲己之言，把邑考拿下樓。妲己命左右取釘四根，將邑
考手足釘了，用刀碎剝，可憐一身，拿下釘了手足。邑考大
叫罵不絕口。賤人你將成日，錫片江山化爲烏有。我死不
足惜，忠名常在。孝節永存。我生不能啖汝之肉，死後
定爲勵鬼食汝之魂。可惡子，其父頑商竟遭萬刃剝屍。
不一時將邑考剝成肉，釘三六九手薑盆，喂了蛇蝎。妲

已曰不可。妾常聞姬昌。豈為聖人。說他能明禍福。善識陰陽。妾聞聖人不食子肉。今將邑考之肉。着厨役用作料。做成肉餅。賜與姬昌。若昌竟食此人。乃是妄誕虛名。禍福陰陽。俱是謬說。竟可赦宥。以表主上不殺之仁。如果不食。當速殺姬昌。恐遺後患。紂王曰。御妻之言。正合朕意。速命厨役。將邑考肉作餅。差官押送羑里。賜與姬昌。不知西伯性命如何。且聽下回分解。

總批 紂王無道。戕害忠良。忍心害理。並無一念仁慈。獨於伯邑考。累听其言。每加憐惜。可見至昏庸之人。亦有一時良心發現。但不嘗耳。無奈妲己貪其美色。洗起邪淫。愈戀愈深。致反成怨勢。必至死而後已。此皆劫數使然。豈人力所能哉。所以邑考亦見得透徹。不若犯顏一諫。以遂其忠臣孝子之心。其偉矣哉。

又批 淫婦心最慧。最善妬。最悍毒。善于逢迎。巧於遮護。隨機應變。捷於弄丸。人一墮其手。未有不身忘家破者。今觀妲己妖魅耳。何人不可苟且。一見丰美之人。尚戀戀不能捨。百計千方以誘之。况人間愚婦女。一觀年少兒郎。未有不神馳心蕩者。鮮矣。語云。男女雖異。所欲則同。又云。女子非不肯也。不敢

也其深知女子之性者也。此篇可作閨門箴。

